



卷之十七下

遼史四十八

開府儀同三司上柱國錄軍國書事中書左丞相監修國史領經筵事都總裁臣脫脫奉

勅修

百官志四

南面京官

遼有五京上京為皇都凡朝官京官皆有之餘四京隨宜設官為制不一大抵西京多邊防官南京中京多財賦官五京並置者列陳之特置者分列于後

三京宰相府職名總目

左相

右相

左平章政事

右平章政事

東京宰相府聖宗統和元年詔三京左右相左右平章事

中京宰相府

南京宰相府

諸京內省客省職名總目

某京某省使

某京某省副使耶律蒲奴開泰末為上京內客省副

使

上京內省司

東京內省司地理志東京大內不置宮嬪唯以內省使副

判官守之

五京諸使職名總目

某京某使王崇重熙中為上京鹽鐵使

知某京某使事張孝傑清寧間知戶部使事

某京某副使劉仲重熙中為三司副使

同知某京某使事道宗大康三年見撻不也同知度

支使事

某京某判官聖宗太平九年見戶部使判官

上京鹽鐵使司

東京戶部使司

中京度支使司

南京三司使司

南京轉運使司亦曰燕京轉運使司

西京計司

五京留守司燕府尹職名總目

某京留守行某府尹事聖宗統和元年見上京留守

行臨潢尹事吳至稍

某京副留守天祐天慶六年見東京副留守高清臣

知某京留守事蕭惠開泰二年知東京留守事

某府少尹聖宗太平四年見臨潢少尹鄭弘節一

同知某京留守事太平八年見中京同知耶律野

同簽某京留守事蕭滴冽太平六年同簽南京留守

事

某京留守判官室昉天祿中為南京留守判官

某京留守推官聖宗開泰元年見中京留守推官李

可舉

上京留守司

東京留守司

中京留守司太宗大同元年命趙延壽為中京留守治鎮  
州聖宗統和十二年命室昉為中京留守治大  
定府

南京留守司太宗天顯三年升東平郡為南京治遼陽十  
三年以幽州為南京治析津聖宗開泰元年改  
幽都府為析津府

西京留守司

五京都總管府職名總目

某京都總管知其府事

同知某府事聖宗太平五年見同知中京事蕭堯弼

上京都總管府

東京都總管府

中京都總管府

南京都總管府

西京都總管府

五京都虞候司職名總目

都虞候

上京都虞候司

東京都虞候司

南京都虞候司

西京都虞候司

中京都虞候司

五京警巡院職名總目

某京警巡使

某京警巡副使

上京警巡院

東京警巡院

中京警巡院

南京警巡院

西京警巡院

五京處置使司職名總目

某京處置使

上京處置司

東京處置司

中京處置司

西京處置司

南京處置司

五京學職名總目道宗清寧五年詔設學養士頒經及傳  
疏置博士助教各一員

博士

助教

上京學上京別有國子監見朝官

東京學

中京學中京別有國子監與朝官同

南京學亦曰南京太學太宗置聖宗統和十三年賜水碓

莊一區

西京學

已上五京官

上京城隍使司亦曰上京皇城使

上京城隍使韓德讓景宗時為上京隍城使

東京渤海承奉官聖宗開泰八年耶律八哥奏渤海承奉

班宜設官以統之因置

渤海承奉都知押班

遼陽大都督府太宗會同二年置

遼陽大都督會同二年都督曷魯洎等關防遼陽東

都

東京安撫使司

東京安撫使

東京軍巡院地理志東京有歸化營軍千餘人籍河朔  
命於此置軍巡院

東京軍巡吏

中京文思院

中京文思使馬人望父佺為中京文思使

中京路按問使司

中京路按問使耶律和尚重熙二十四年為中京路

按問使

中京巡邏使司

中京巡邏使耶律古昱開泰間為中京巡邏使

中京大內都部署司

中京大內都部署聖宗開泰元年見中京大內都

署

中京大內副部署

南京宣徽院

南京宣徽使道宗壽隆元年見宣徽使耶律特末

知南京宣徽院使事

知南京宣徽院事

南京宣徽副使

同知南京宣徽院事

南京處置使司聖宗開泰元年見秦王隆慶為燕京管內  
處置使

燕京管內處置直使

南京侍衛親軍馬步軍都指揮使司

南京侍衛親軍馬步軍都指揮使蕭討古乾亨初爲

南京侍衛親軍都指揮使

南京馬步副指揮使

南京侍衛親軍馬軍都指揮使司

南京馬軍都指揮使

南京馬軍副指揮使

南京侍衛親軍步軍都指揮使司

南京步軍都指揮使

南京步軍副指揮使

南京栗園司

典南京栗園

雲州宣諭招撫使司

雲州管內宣諭招撫使二貞統和四年見韓毗哥那

抱箕爲雲州管內宣諭招撫使

南面大蕃府官

黃龍府

知黃龍府事興宗重熙十三年見知黃龍府事耶律

甌里斯

同知黃龍府事

黃龍府判官

黃龍府侍衛親軍馬步軍都指揮使

黃龍府侍衛親軍都指揮使

黃龍府侍衛親軍副指揮使

黃龍府侍衛馬軍都指揮使

黃龍府侍衛步軍都指揮使

黃龍府侍衛馬軍副指揮使

黃龍府侍衛步軍副指揮使

黃龍府學

遼志一七一

宗文

博士

助教

興中府

知興中府事咸雍元年見知興中府事楊績

同知興中府事

興中府判官

興中府學

博士

助教

南面方州官

文二二二

林安

遼東西燕秦漢唐已置郡縣設官職矣高麗渤海因之至  
遼五京列峙包括燕代悉為畿甸二百餘年城郭相望田  
野益闢冠以節度承以觀察防禦團練等使分以刺史縣  
令大略採用唐制其間宗室外戚大臣之家築城賜額謂  
之頭下州軍唯節度使朝廷命之後往往皆歸王府不能  
州者謂之軍不能縣者謂之城不能城者謂之堡其設官  
則未詳云

節度使職名總目

某州某軍節度使

某州某軍節度副使

同知節度使事耶律玦重熙中同知遼興軍節度使

事

行軍司馬

軍事判官

掌書記劉伸重熙五年為彰武軍節度使掌書

記

衙官

某馬步軍都指揮使司

都指揮使

副指揮使

某馬軍指揮使司

指揮使

副指揮使

某步軍指揮使司

指揮使

副指揮使

上京道

懷州奉陵軍節度使司

慶州玄寧軍節度使司

秦州德昌軍節度使司

長春州韶陽軍節度使司

儀坤州啓聖軍節度使司

龍化州興國軍節度使司

饒州匡義軍節度使司

徽州宣德軍節度使司

成州長慶軍節度使司

懿州廣順軍節度使司

渭州高陽軍節度使司

鎮州建安軍節度使司

東京道

開州鎮國軍節度使司

保州宣義軍節度使司

辰州奉國軍節度使司

興州中興軍節度使司

海州南海軍節度使司

涿州鴨涿軍節度使司

顯州奉先軍節度使司

乾州廣德軍節度使司

貴德州寧遠軍節度使司

瀋州昭德軍節度使司

遼州始平軍節度使司

通州安遠軍節度使司

雙州保安軍節度使司

同州鎮安軍節度使司

咸州安東軍節度使司

信州彰聖軍節度使司

賓州懷化軍節度使司

懿州寧昌軍節度使司

蘇州安復軍節度使司

復州懷德軍節度使司

祥州瑞聖軍節度使司

中京道

成州興府軍節度使司

興中府彰武軍節度使司

宜州崇義軍節度使司

錦州臨海軍節度使司

川州長寧軍節度使司

建州保靜軍節度使司

來州歸德軍節度使司

西京道

幽州盧龍軍節度使司

平州遼興軍節度使司

西京道

雲中大同軍節度使司

雲內州開遠軍節度使司

奉聖州武定軍節度使司

蔚州忠順軍節度使司

應州彰國軍節度使司

朔州順義軍節度使司

觀察使職名總目

某州軍觀察使

某州軍觀察副使

某州軍觀察判官王鼎清寧五年為易州觀察判官

州學

博士

助教

中京道

高州觀察使司

武安州觀察使司

利州觀察使司

東京道

益州觀察使司

寧州觀察使司

歸州觀察使司

寧江州混同軍觀察使司

上京道

永州永昌軍觀察使司

靜州觀察使司

團練使司職名總目

某州團練使

某州團練副使

某州團練判官

州學

博士

助教

東京道

安州團練使

防禦使司職名總目

某州防禦使

某州防禦副使

某州防禦判官

州學

博士

助教

東京道

廣州防禦使司

鎮海府防禦使司

冀州防禦使司

衍州安廣軍防禦使司

州刺史職名總目

某州刺史

某州同知州事耶律獨攬重熙中同知金肅軍事

某州錄事參軍世宗天祿五年詔州錄事參軍委政

事省差注

州學

博士

助教

上京道五州烏降聖維防招

東京道二十七州穆賀盧鐵崇耀嬪遼西康宗海北嚴集

紺遠韓銀安遠威清雍湖渤鄂銅凍寧賓定理

鐵利吉麗荆勝順化連肅烏

中京道十三州恩惠榆澤北安潭松山安德黔嚴濕遼瀋

南京道八州順檀丞易薊景灤營

西京道八州弘德寧邊歸化可汗儒武東勝

縣職名總目

某縣令

某縣丞

某縣主簿世宗天祿五年詔縣主簿政事省差注

某縣尉

縣學大公鼎為良鄉縣尹建孔子廟

博士

助教

五京諸州屬縣見地理志縣有驛遞馬牛旗鼓鄉正廳隸倉司等役有破產不能給者良民患之馬人望設法使民出錢免役官自募人倉司給使以公使充人以為便

南面分司官

平理庶獄採撫民隱漢唐以來真主以為恤民之今典官不常設有詔則選材望官為之

分決諸道滯獄使聖宗統和九年命邢抱朴等五員又命

馬守瑛等三員分決諸道滯獄

按察諸道刑獄使開泰五年遣劉涇等分路按察刑獄採訪便太宗會同三年命于骨鄰為採訪使

南面財賦官

遼國以畜牧田漁為稼穡財賦之官初其簡易自涅里教耕織而後鹽鐵諸利日以滋殖既得燕代益富饒矣諸錢帛司職名總目

某州錢帛都點檢大公鼎為長春州錢帛都提點

長春路錢帛司興宗重熙二十二年置

遼西路錢帛司

平州路錢帛司

轉運司職名總目

某轉運使

某轉運副使

同知某轉運使

某轉運判官

山西路都轉運使司楊哲興宗重熙二十年為山西轉運使

奉聖州轉運使司聖宗開泰三年置

蔚州轉運使司

應州轉運使司

朔州轉運使司

保州轉運使司已上並開泰三年置

西山轉運使聖宗太平三年見西山轉運使郎玄化

南面軍官

傳曰雖楚有材晉寔用之遼自太祖以來攻掠五代宋境得其人則就用之東北二鄙以農以工有事則從軍政計之善者也

點檢司職名總目

某都點檢穆宗十六年見殿前都點檢耶律夷剌葛

某副點檢聖宗太平六年見副點檢耶律野

同知某都點檢道宗清寧九年見同知點檢司事耶律撻不也

點檢司

殿前都點檢司

點檢侍衛親軍馬步司

諸指揮使司職名總目

某軍都指揮使聖宗統和二二年見侍衛親軍都指揮

使韓倬

某軍副指揮使

某軍都監

某軍都指揮使司

某軍副指揮使司

並同前

侍衛親軍馬步軍都指揮使司

侍衛親軍馬軍都指揮使司

侍衛親軍步軍都指揮使司

侍衛控鶴兵馬都指揮使司

侍衛漢軍兵馬都指揮使司

四軍兵馬都指揮使司

歸聖軍兵馬都指揮使司聖宗統和五年以宋降軍置七

指揮署左右廂凡四十二員七年隸總管府

歸聖軍左廂兵馬都指揮使司

歸聖軍右廂兵馬都指揮使司

第一左廂兵馬都指揮使司

第一右廂兵馬都指揮使司

第二左廂兵馬都指揮使司

第二右廂兵馬都指揮使司

第三左廂兵馬都指揮使司

第三右廂兵馬都指揮使司

第四左廂兵馬都指揮使司

第四右廂兵馬都指揮使司

第五左廂兵馬都指揮使司

第五右廂兵馬都指揮使司

第六左廂兵馬都指揮使司

第六右廂兵馬都指揮使司

第七左廂兵馬都指揮使司

第七右廂兵馬都指揮使司

宣力軍都指揮使司

四捷軍都指揮使司

天聖軍都指揮使司

漢軍都指揮使司

諸軍都團練使職名總目

某軍都團練使趙思溫太祖神冊二年為漢軍都團

練使

某軍團練副使

某軍團練判官

漢軍都團練使司

諸軍兵馬都總管府職名總目

某兵馬都總管聖宗太平四年見兵馬都總管

某兵馬副總管

同知某兵馬事

某兵馬判官

兵馬都總管府

歸聖軍兵馬都總管府

南面邊防官

三皇五帝寬柔之化澤及漢唐好生惡殺習與性成雖五代極亂習於戰鬪者財幾人耳宋以文勝然遼之邊防猶重於南面直以其地大民衆故耳卒之親仁善鄰桴鼓不鳴幾二百年此遼之所以為美也歟

易州飛狐招安使司聖宗統和二十三年改安撫使司

遼志十七  
易州飛狐兵馬司道宗咸雍四年改易州安撫司  
易州飛狐招撫司

西南面招安使司耶律合住景宗保寧初為西南面招安  
使

巡檢使司耶律合住景宗保寧中為巡檢使

五州都總管府耶律速撒穆宗應曆初為義霸祥順聖五

州都總管

山後五州都管司聖宗統和四年見蒲奴寧為山後五州

都管

五州制置使司聖宗開泰九年見霸建宜泉錦五州制置

使

三州處置使司韓德樞太宗時為平灤營三州處置使

霸州處置使司統和二十七年廢

遼志十七下

志第一

遼史四十九

興儀國言積國錄軍國軍事書君丞相修國史領經筵事都總表臣脫脫

勅修

禮志一

理自天設情繇人生以理制情而禮樂之用行焉林豺梁  
獮是生郊禘窪尊燔黍是生燕饗蘩埋瓦棺是生喪葬儷  
皮緇布是生婚冠皇造帝秩三王彌文一文一質蓋本于  
忠變通革弊與時宜之唯聖人爲能通其意執理者膠瑟  
聚訟不適人情徇情者稊稗綿蕪不中天理秦漢而降君  
子無取焉遼木朝鮮故壤箕子八條之教流風遺俗蓋有

存者自其上世緣情制宜隱然有尚質之風遥輦胡刺可  
汗制祭山儀蘇可汗制瑟瑟儀阻午可汗制柴冊再生儀  
其情朴其用儉敬天恤災施惠本孝出於惻怛殆有得於  
膠瑟聚訟之表者太古之上推輪五禮何以異茲太宗克  
晉稍用漢禮今國史院有金陳大任遼禮儀志皆其國俗  
之故又有遼朝雜禮漢儀爲多別得宣文閣所藏耶律儼  
志視大任爲加詳存其畧著于篇

### 吉儀

祭山儀設天神地祇位于木葉山東鄉中立君樹前植群  
樹以像朝班又偶植二樹以爲神門皇帝皇后至夷离  
毘具禮儀牲用赭白馬玄牛赤白羊皆牡僕臣曰旗鼓  
拽刺殺牲體割懸之君樹太巫以酒酌牲禮官曰敵烈  
麻都奏儀辦皇帝服金文金冠白綾袍絳帶懸魚三山  
絳垂飾犀玉刀錯絡縫烏靴皇后御絳帟絡縫紅袍懸  
玉佩雙結帕絡縫烏靴皇帝皇后御鞍馬群臣在南命  
婦在北服從各部旗幟之色以從皇帝皇后至君樹前  
下馬升南壇御榻坐群臣命婦分班以次入就位合班  
拜訖復位皇帝皇后詣天神地祇位致奠閤門使讀祝  
訖復位坐北府宰相及惕隱以次致奠于君樹徧及羣  
樹樂作群臣命婦退皇帝率孟父仲父季父之族三匝

神門樹餘族七匝皇帝皇后再拜在位者皆再拜上香  
再拜如初皇帝皇后升壇御龍文方茵坐再聲警請祭  
東所群臣命婦從班列如初巫衣白衣惕隱以素巾拜  
而冠之巫三致辭每致辭皇帝皇后一拜在位者皆一  
拜皇帝皇后各舉酒二爵肉二器再奠大臣命婦右持  
酒左持肉各一器少後立一奠命惕隱東向擲之皇帝  
皇后六拜在位者皆六拜皇帝皇后復位坐命中丞奉  
茶果餅餌各二器奠于天神地祇位執事郎君二十人  
持福酒胙肉詣皇帝皇后前太巫奠酌訖皇帝皇后再  
拜在位者皆再拜皇帝皇后一拜奠福受胙復位坐  
在位者以次飲皇帝皇后率羣臣復班位再拜聲踊一拜  
退

太祖幸幽州大悲閣遷白衣觀音像建廟木葉山尊  
爲家神於拜山儀過樹之後增詣菩薩堂儀一節然  
後拜神非胡刺可汗之故也興宗先有事于菩薩堂  
及木葉山遼河神然後行拜山儀冠服節文多所變  
更後因以爲常神主樹木懸牲告辦班位奠祝致嘏  
飲福徃徃暗合于禮天理人情放諸四海而準信矣  
夫興宗更制不能正以經術無以大過於昔故不載  
瑟瑟儀若旱擇吉日行瑟瑟儀以祈雨前期置百柱天棚

遼志十八  
及期皇帝致奠于先帝御容乃射柳皇帝再射親王宰  
執以次各一射中柳者質誌柳者冠服不中者以冠服  
質之不勝者進飲於勝者然後各歸其冠服又翼日植  
柳天棚之東南巫以酒醴黍稷薦植柳祝之皇帝皇后  
祭東方畢子弟射柳皇族國舅群臣與禮者賜物有差  
既三日雨則賜敵烈麻都馬四疋衣四龍衣否則以水沃  
之

道宗清寧元年皇帝射柳訖詣風師壇再拜

柴冊儀擇吉日前期置柴冊殿及壇壇之制厚積薪以木  
爲三級壇置其上席百尺甃龍文方茵又置再生母后

搜索之室皇帝入再生室行再生儀畢八部之吏前導  
後扈左右扶翼皇帝冊殿之東北隅拜日畢乘馬選外  
戚之老者御皇帝疾馳小御者從者以甃覆之皇帝詣  
高阜地大臣諸部帥列儀仗遙望以拜皇帝遣使勅曰  
先帝升遐有叔父兄在當選賢者冲人不德何以爲  
謀羣臣對曰臣等以先帝厚恩陛下明德咸願盡心敢  
有他圖皇帝令曰必從汝等所願我將信明賞罰爾有  
功陟而任之爾有罪黜而棄之若聽朕命則當謨之僉  
曰唯帝命是從皇帝于所識之地封土石以誌之遂行  
拜先帝御容宴饗群臣翼日皇帝出冊殿護衛太保扶

置升壇奉七廟神主置龍文方茵北南府宰相率群臣  
團立各舉氈邊贊祝訖樞密使奉玉寶玉冊入有司讀  
冊訖樞密使稱尊號以進群臣三稱萬歲皆拜宰相北  
南院大王諸部帥進赭白羊各一群皇帝更衣拜諸帝  
御容遂宴群臣賜賚各有差

拜日儀皇帝升露臺設褥向日再拜上香門使通閣使或  
副應拜臣僚殿左右階陪位再拜皇帝昇坐奏榜訖北  
班起居畢時相已下通名再拜不出班奏聖躬萬福又  
再拜各祗候宣徽已下橫班同諸司閣門北面先奏事  
餘同教坊與臣僚司

告廟儀至日臣僚昧爽朝服詣太祖廟次引臣僚合班先  
具御容再拜畢引班首左上至褥位再拜贊上香揖欄  
內上香畢復褥位再拜各祗候立定左右舉告廟祝版  
於御容前跪捧中書舍人悅跪讀訖悅興退引班首左  
下復位又再拜分引上殿次第進酒三分班引出

謁廟儀至日昧爽南北臣僚各具朝服赴廟車駕至臣僚  
於門外依位序立望駕鞠躬班首不出班奏聖躬萬福  
舍人贊各祗候畢皇帝降車分引南北臣僚左右入至  
丹墀褥位合班定皇帝升露臺褥立宣徽贊皇帝再拜  
殿上下臣僚陪位皆再拜上香畢退復位再拜分引臣

僚左右上殿位立進御容酒依常禮若即退再拜舍人  
贊好去引退禮畢

告廟謁廟皆曰拜容以先帝先后生辰及忌辰行禮  
自太宗始也其後正旦皇帝生辰諸節展皆行之若  
忌辰及車駕行幸亦嘗遣使行禮凡瑟瑟柴冊再生  
納后則親行之凡柴冊親征則告幸諸京則謁四時  
有薦新

孟冬朔拜陵儀有司設酒饌于山陵皇帝皇后駕至敵烈  
麻都奏儀辦閣門使贊皇帝皇后詣位四拜訖巫贊祝  
燔胙及時服酌酒薦牲大臣命婦以次燔胙四拜皇帝

皇后率群臣命婦循諸陵各三匝還宮翼日群臣入謝  
藝節儀皇帝即位凡征伐叛國俘掠人民或臣下進獻人  
口或犯罪沒官戶皇帝親覽間田建州縣以居之設官  
治其事及帝崩所置人戶府庫錢粟宮廬中置小氈殿  
帝及后妃皆鑄金像納焉節辰忌日朔望皆致祭于穹  
廬之前又築土爲臺高丈餘置大盤于上祭酒食撤於  
其中焚之國俗謂之藝節

歲除儀初夕勅使及夷离畢率執事郎君至殿前以鹽及  
羊膏置爐中燎之巫及大巫以次贊祝火神訖閣門使  
贊皇帝面火再拜

遼志卷之六  
初皇帝上親拜至道宗始命夷貊畢拜之

志第六

志第十九

遼史五十

開府儀同三司在國錄軍國書中書右丞相兼修國史領經筵事都統裁臣 脫脫奉

勅修

禮志二

凶儀

喪葬儀聖宗崩興宗哭臨于敢塗殿大行之夕四鼓終皇  
帝率群臣入柩前三致奠奉柩出殿之西北門就輜輹  
車藉以素裯巫者被除之詰旦發引至祭所凡五致奠  
太巫祈禳皇族外戚大臣諸京官以次致祭乃以衣弓  
矢鞍勒圖書馬駝儀衛等物皆燔之至山陵葬畢上哀

冊皇帝御幄命改火而火致奠三拜又東向再拜天地訖乘馬率送葬者過神門之木乃下東向又再拜翼日詰早率群臣命婦詣山陵行初奠之禮升御容殿受遺賜又翼日再奠如初興宗崩道宗親擇地以葬道宗崩菴塗于遊仙殿有司奉喪服天祚皇帝問禮于總知翰林院事耶律固始服斬衰皇族外戚使相矮敦官及即君服如之餘官及承應人皆白帛衣巾以入哭臨惕慙三父房南府宰相遙輦常袞九筮首郎君夷离畢國舅詳穩十閫撒郎君南院大王郎君各以次薦奠進鞍馬衣龍座玉帶等物表列其數讀訖焚表諸國所贈器服

親王諸京留守奠祭進賻物亦如之先帝小斂前一  
日皇帝喪服上香奠酒哭臨其夜北院樞密使契丹行  
宮都部署入小斂翼日遣北院樞密副使林牙以所賜  
器服置之幽宮靈柩亦車親王推之至食穀之次蓋遼  
國舊俗於此刑殺羊以祭皇族外戚諸京州官以次致  
祭至葬所靈柩降車就輦皇帝免喪服步引至長福岡  
是夕皇帝入陵寢授遺物于皇族外戚及諸大臣乃出  
命以先帝寢幄過於陵前神門之木帝不親往遣近侍  
冠服赴之初奠皇帝皇后率皇族外戚使相節度使夫  
人以上命婦皆拜祭循陵二匝而降再奠如初辭陵而

還

上謚冊儀先一日於葦塗殿西廊設御幄并臣僚幕次大樂令展宮懸於殿庭協律郎設舉麾位至日北南面臣僚朝服珥爽赴葦塗殿先置冊寶案于西廊下閣使引皇帝至御幄服寬衣皂帶臣僚班齊分班引入嚮殿合班立定引冊案上殿至褥位寶案次之設於西階閣使引皇帝自西階升殿初行樂作至位立樂止宣徽使揖皇帝鞠躬再拜陪位者皆再拜翰林使執臺琰以進皇帝再拜引至神座前跪奠三樂作進奠訖復位樂止又再拜陪位者皆再拜引皇帝于神座前北面立捧冊函者去蓋進前跪冊案退置殿西壁下引讀冊者進前跪伏跪自通全銜臣讀謚冊讀訖俛伏興復位捧冊函者置于案上捧寶函者進前跪讀寶官通銜跪讀訖引皇帝至褥位再拜陪位者皆再拜禮畢引皇帝歸御幄初行樂作至御幄樂止引臣僚分班出若皇太后奠酒後常儀

忌辰儀先一日奏忌辰榜子預寫名紙大紙一幅用陰面後第三行書文武百僚宰臣其以下謹詣西上閣門進名奉慰至日應拜大小臣僚並皂衣皂鞞帶四鼓至時於幕次前在京於僧寺班齊依位望闕叙立直日舍人

跪右執名紙在前班首以下皆再拜引退名紙於宣徽使面付內侍奏問

宋使祭奠弔慰儀太皇太后至殿塗殿服喪服太后於北間南面垂簾坐皇帝於南間北面坐宋使至幕次宣賜素服皂帶更衣訖引南北臣僚入班立定可矮敷以下並上殿依位立先引祭奠使副捧祭文南洞門入殿上下臣僚並舉哀至丹墀立定西上閣門使自南階下受祭文上殿啓封置於香案哭止祭奠禮物列殿前引使副南階上殿至褥位立揖再拜引大使近前上香退再拜大使近前跪捧臺錢進奠酒三教坊奏樂退再拜揖

中書一舍人跪捧祭文引大使近前伏跪讀訖舉哀引使副下殿立定哭止禮物擔牀出畢引使副近南面北立勾弔慰使副南洞門入四使同見入行皇帝靈再拜引出歸幕次皇太后別殿坐服喪服先引北南四臣僚並於殿上下依位立弔慰使副捧書匣右入當殿立閣門使右下殿受書匣上殿奏封全開讀訖引使副南階上殿傳達弔慰訖退下殿立引禮物擔牀過畢引使副近南北面立勾祭奠使副入四使同見鞠躬再拜不出班奏聖躬萬福再拜出班謝面天顏又再拜立定宣徽傳聖旨撫問就位謝再拜引出歸幕次皇帝御南殿

服喪服使副入見如見皇太后儀加謝遠接撫問湯藥  
再拜次宣賜使副并從人祭奠使副別賜讀祭文例物  
即日就館賜宴高麗夏國奉弔進賻等使禮略如之道  
宗崩天祚皇帝問禮于耶律固宋國遣使弔及致祭歸  
賜皇帝喪服御游仙之北別殿使入門皇帝哭使者詣  
柩前上香讀祭文訖又哭有司讀遺詔慟哭使者出少  
頃復入陳賻賜于柩前皇帝入臨哭退更衣御游仙殿  
南之幄殿使者入見且辭勅有司賜宴於館

宋使告喪儀皇帝素冠服臣僚皂袍皂袴帶宋使奉書右  
入丹墀內立西上閣門使右階下殿受書置上殿欄內

鞠躬奏封全開封於殿西案授宰相讀訖皇帝率舍  
人引使者右階上欄內俯跪附奏起立訖俛與立皇帝  
宣問南朝皇帝聖躬萬福使者跪奏以時皇帝聖躬萬  
福起退舍人引使者右階下殿於丹墀西面東鞠躬通  
事舍人通使者名某祗候見再拜不出班奏聖躬萬福  
再拜出班謝面天顏再拜又出班謝遠接撫問湯藥再  
拜贊祗候引出就幕次宣賜衣物引從人入通名拜奏  
聖躬萬福出就幕賜衣如使者之儀又引使者入面殿  
鞠躬贊謝恩再贊有勅賜宴再拜贊祗候出就幕次宴  
引從人謝恩拜勅賜宴皆如初宴畢歸館

宋使進遺留禮物儀可官味爽朝服殿前班立宋遺留使  
告登位使副入內門館伴副使引謝登位使就幕次坐  
館伴大使與遺留使副奉書入至西上閣門外甃位立  
閣使受書匣置殿西階下案引進使引遺留物於西上  
閣門入即於廊下橫門出皇帝昇殿坐宣徽便押殿前  
班起居畢引宰臣押文武班起居引中書令西階上殿  
奏宋使見榜子契丹臣僚起居控鶴官起居遺留使副  
西上閣門入面殿立舍人引使副西階上殿附奏起居  
訖引西階下殿於丹墀東西面鞠躬通名奏聖躬萬福  
如告哀使之儀謝面天顏謝遠接撫問湯藥引遺留使

從人見亦如之次引告登位使副奉書匣於東上閣門  
入面殿立閣使東階下殿受書匣中書令讀訖舍人引  
使副東階上殿附奏起居引下殿南面立告登位禮物  
入即於廊下橫門出退西面鞠躬附奏起居謝面天顏  
遠接等皆如遺留使之儀宣賜遺留登位兩使副併從  
人衣物如告哀使應坐臣僚皆上殿就位立分引兩使  
副等於兩廊立皇帝問使副衝涉不易丹墀內五拜各  
引上殿祗候位立大臣進酒皇帝飲酒契丹通漢人贊  
殿上臣僚皆拜稱萬歲贊各就坐行酒殺茶饌饅頭畢  
從人出水飯畢臣僚皆起契丹通漢人贊皆再拜稱萬

歲各祇候獨引宋使副下殿謝五拜引出控鶴官門外  
祇候報閤門無事供奉官捲班出

高麗夏國告終儀先期於行宮左右下御帳設使客幕次  
於東南至日北面臣僚各常服其餘臣僚並朝服入朝  
使者至幕次有司以嗣子表狀先呈樞密院准備奏呈  
先引北面臣僚并矮敷已上近御帳相對立其餘臣僚  
依班位序立引告終人使右入至丹墀面殿立引右上  
立揖少前拜跪奏訖宣問若嗣子已立恭身受聖旨奏  
訖復位嗣子未立不宣問引右下丹墀面北鞠躬通班  
畢引面殿再拜不出班奏聖躬萬福再拜出班謝面天  
顏復位再拜出班謝遠接復位再拜贊祇候退就幕次  
再入依前面北鞠躬通辭再拜叙繼闕再拜贊好去禮  
畢

志第二十

遼史五十一

開府儀同三司柱國兼中書右丞相兼國舅領經筵事都總裁臣 脫脫 泰

勅修

禮志三

軍儀

皇帝親征儀常以秋冬應敵制變或無時將出師必先告廟乃立三神主祭之曰先帝曰道路曰軍旅刑青牛白馬以祭天地其祭常依獨樹無獨樹即所舍而行之或皇帝服介冑祭諸先帝宮廟乃闕兵將行牝牡庶各一為禱祭將臨敵結馬尾祈拜天地而後入下城克敵祭

天地牲以白黑羊班師以所獲牡馬牛各一祭天地出師以死囚還師以一謀者植柱縛其上于所向之方亂射之矢集如蝟謂之射鬼箭

臘儀臘十二月辰日前期一日詔司獵官選獵地其日皇帝皇后焚香拜日畢設圍命獵夫張左右翼司獵官奏成列皇帝皇后升輦敵烈麻都以酒二尊盤殮奉進北南院大王以下進馬及衣皇帝降輿祭東畢乘馬入圍中皇太子親王率群官進酒分兩翼而行皇帝始獲兔群臣進酒上壽各賜以酒至中食之次親王大臣各進所獲及酒訖賜群臣飲還宮應曆元年冬漢遣使來賀自

是遂以為常儀統和中罷之

出軍儀制見兵志

禮志四

賓儀

常朝起居儀昧爽臣僚朝服入朝各依幕次內侍奏班齊先引京官班於三門外當直舍人放起居再拜各祇候次依兩府以下文武官於丹墀內面殿立豎班諸司并供奉官於東西道外相向立定當直閣使副贊放起居再拜各祇候退還幕次公服帝昇殿坐兩府并京官丹墀內聲喏各祇候教坊司同北班起居畢奏事

燕京嘉寧殿西京同文殿朝服幞頭袍笏公服紫衫  
帽

正座儀皇帝升殿坐警聲絕契丹漢人殿前班畢各依位  
侍立次教坊班畢捲退京官班入拜畢揖於右橫街西  
依位班立次武班入拜畢依位立文班入拜畢依位立  
北班入起居畢於左橫街東序班立次兩府班入鞠躬  
通宰臣某官已下起居拜畢引上殿奏事

已上六班起居並七拜內有不帶節度使班首止通名  
亦七拜捲班與常朝同直院有旨入文班留守司三司  
統軍司制置司謂之京官都部署司宮使副宮使都承

以下令史北面主事以下隨駕諸司為武官館閣大理  
寺堂後以下御史臺隨駕閑員令史司天臺翰林醫官  
院為文官

天慶二年冬教坊並服袍

臣僚接見儀皇帝御座奏見榜子畢臣僚左入鞠躬通文  
武百僚宰臣某官以下祇候見引面殿鞠躬起居凡七  
拜引班首出班謝面天顏復位舞蹈五拜鞠躬宣答問  
制再拜宣訖謝宣諭五拜各祇候畢可矮敦以上引近  
前問聖躬萬福傳宣問跋涉不易鞠躬引班舍人替各  
祇候畢引右上準備宣問其餘臣僚並於右侍立

宣卷云卿等久居鄉邑來奉乘輿時屬霜寒或云炎  
蒸諒多勞止卿各平安好想宜知悉

問聖體儀皇帝行幸車駕至捺鉢坐御帳臣僚公服問聖  
躬萬福贊再拜各祇候奏事宣徽以下常服教坊與臣  
僚同

保大元年夏特旨通名再拜不稱宰臣

車駕還京儀前期一日宣徽以下橫班諸司閣門並公服  
於宿帳祇候至日詰旦皇帝乘玉輅閣門宣諭軍民訖  
導駕時相以下進至內門閣副勘前畢通事舍人鞠躬  
奏臣宣放仗禮畢

儀皇帝乘玉輅至內門北南臣僚於輅前對班立  
箭官執雌箭門中立東上閣門使詣車前諸雄箭在車  
左立勾勘箭官進勘箭官揖進至車約五步面車立閣  
使言受箭行勘勘箭官拜跪受箭舉手勘訖鞠躬奏內  
外勘同閣使言准勅行勘勘箭官平立退至門中舊位  
立當骨執箭贊軍將門仗官近前門仗官應聲開門舉  
聲兩邊齊出並列左右立勘箭官舉右手贊呈箭次贊  
為出喚仗御箭一隻准勅付左金吾仗行勘贊合不合  
應合合贊同不同應同同訖勘箭官再進依位立  
鞠躬自通全街臣某對御勘箭同退門中立贊其箭謹

通志  
付閣門使進入事畢其箭授閣使轉付宣徽

宋使見皇太后儀宋使賀生辰正旦至日臣僚昧爽入朝  
使者至幕次臣僚班齊皇太后御殿坐宣徽使押殿前  
班起居畢捲班次契丹臣僚班起居畢引應坐臣僚上  
殿就位立其餘臣僚不應坐者退於東面侍立漢人臣  
僚東洞門入面西鞠躬舍人鞠躬通某以下起居凡七  
拜畢贊各祗候引應坐臣僚上殿就位立中書令大王  
西階上殿奏宋使并從人榜子訖就位立其餘臣僚不  
應坐者退於西面侍立次引宋使副六人於東洞門入  
并墀內面殿齊立閣使自東階下受書匣使人捧書匣

者皆跪閣使搢笏立受書匣自東階上殿欄內鞠躬奏  
封全訖授樞密開封宰臣對皇太后讀訖引使副六人  
東階上殿欄內立使者揖生辰節大使少前使者俛伏  
跪附起居訖起復位立次引賀皇太后正旦大使附起  
居如前儀皇太后宣問南朝皇帝聖躬萬福舍人揖生  
辰大使并皇太后正旦大使少前皆跪唯生辰大使奏  
奉時聖躬萬福皆俛伏興引東階下殿丹墀內面殿齊  
立引進使引禮物於西洞門入殿前置檐牀控鶴官起  
居四拜檐牀於東便門出畢揖使副退於東方西面皆  
鞠躬舍人鞠躬通南朝國信使某官某以下各候見舞

躡五拜畢不班奏聖躬萬福再拜揖班首出班謝面  
天顏訖復位再躡五拜畢贊各上殿祗候引各使副西  
階上殿就位從人兩洞門入面殿鞠躬通名贊拜起  
居四拜畢贊各祗候分班引兩洞門出若宣問使副躡  
涉不易引西階下殿丹墀內舞蹈五拜畢贊各上殿祗  
候引西階上殿就位立契丹舍人漢人閣使齊贊拜應  
坐臣僚并使副皆拜稱萬歲贊各就坐行湯行茶供過  
人出殿門揖臣僚并使副起鞠躬契丹舍人漢人閣使  
齊贊皆拜稱萬歲贊各祗候先引宋使副西階下殿西  
洞門出次揖臣僚出畢報閣門無事皇太后起

宋使見皇帝儀宋使賀生辰正旦至日臣僚昧爽入朝使  
者至幕次奏班齊聲警皇帝外殿坐宣徽使押殿前班  
起居畢捲班出契丹臣僚班起居畢引應坐臣僚上殿  
就位立其餘臣僚不應坐者並退於北面侍立次引漢  
人臣僚北洞門入面殿鞠躬舍人鞠躬通某官某以下  
起居皆七拜畢引應坐臣僚上殿就位立引首相南階  
上殿奏宋使并從人榜子就位立臣僚並退於南面侍  
立教坊入起居畢引南使副北洞門入丹墀內面殿立  
閣使北階下殿受書匣使人捧書匣者跪閣使搢笏立  
受於北階上殿欄內鞠躬奏封全訖授樞密開封宰相

對皇帝讀訖舍人引使副北階上殿欄內立揖生辰大  
使少前俛伏跪附起居俛伏興復位立大使俛伏跪奏  
訖俛伏興退引北階下殿揖使副北方南面鞠躬舍人  
鞠躬通南朝國信使某官某以下祗候見起居七拜畢  
揖班首出班謝面天顏舞蹈五拜畢出班謝遠接御筵  
撫問湯藥舞蹈五拜畢贊各祗候引出歸幕次閣使傳  
宣賜對衣金帶勾從人以下入見舍人贊班首姓名以  
下再拜不出班奏聖躬萬福贊再拜稱萬歲贊各祗候  
引出舍人傳宣賜衣使副并從人服賜衣畢舍人引使  
副入丹墀內面殿鞠躬舍人贊謝恩拜舞蹈五拜畢贊

上殿祗候引使副南階上殿就位立勾從人入贊謝恩  
拜稱萬歲贊有勅賜宴再拜稱萬歲贊各祗候承受官  
引北廊下立御牀入大臣進酒皇帝飲酒契丹舍人  
閣使齊贊拜應坐并侍立臣僚皆拜稱萬歲贊各祗候  
卒飲贊拜應坐臣僚皆拜稱萬歲贊各就坐行酒親王  
使相使副共樂曲若宣令飲盡並起立飲訖放錢就位  
謝贊拜並隨拜稱萬歲贊各就坐次行方茵地坐臣僚  
等官酒若宣令飲盡贊謝如初殿上酒一行畢贊廊下  
從人拜稱萬歲贊各就坐若傳宣令飲盡並拜稱萬歲  
贊各就坐殿上酒三行行茶行般行饌酒五行候曲終

揖廊下從人起贊拜稱萬歲贊各祗候引出曲破臣僚  
并使副並起鞠躬贊拜應坐臣僚并使副皆拜稱萬歲  
贊各祗候引使副南階下殿丹墀內舞蹈五拜畢贊各  
祗候引出次引衆臣僚下殿出畢報閣門無事皇帝起  
聲蹕

曲宴宋使儀昧爽臣僚入朝宋使至幕次皇帝升殿殿前  
一教坊契丹文武班皆如初見之儀宋使副綴翰林學士  
班東洞門入面西鞠躬舍人鞠躬通文武百僚臣某以  
下起居七拜謝宣召赴宴致詞訖舞蹈五拜畢贊各上  
殿祗候舍人引大臣使相臣僚使副及方茵朵殿應坐

臣僚並於西階上殿就位立其餘不應坐臣僚並於西  
洞門出勾從人入起居謝賜宴兩廊立如初見之儀二  
人監瓊教坊再拜贊各上殿祗候入御床大臣進酒舍  
人閣使贊拜行酒皆如初見之儀次行方茵朵殿臣僚  
酒傳宣飲盡如常儀殿上酒一行畢兩廊從人行酒如  
初殿上行餅茶畢教坊致語揖臣僚使副并廊下從人  
皆起立候口號絕損臣僚等皆鞠躬贊拜殿上應坐并  
侍立臣僚皆拜稱萬歲贊各就坐次贊廊下從人拜亦  
如之歇宴揖臣僚起立御牀出皇帝起入閣引臣僚東  
西階下殿還幕次內賜花承受官引從人出賜花亦如

之簪花畢引從人復兩廊位立次引臣僚使副兩洞門入復殿上位立皇帝出閣復坐御牀入揖應坐臣僚使副及侍立臣僚鞠躬贊拜稱萬歲贊各就坐贊兩廊從人亦如之行單茶行酒行膳行果殿上酒九行使相樂曲聲絕揖兩廊從人起贊拜稱萬歲贊各好去承受引出曲破殿上臣僚使副皆起立贊拜稱萬歲贊各祇候引臣僚使副東西階下殿契丹班謝宴出漢人并使副班謝宴舞蹈五拜畢贊各好去引出畢報閣門無事皇帝起

賀生辰正旦宋使朝辭太后儀臣僚使副班齊如曲宴儀

皇太后升殿坐殿前契丹文武起居上殿畢宰臣奏宋使副從人朝辭榜子畢就位立舍人引使副北洞門入而南鞠射舍人鞠躬通南朝國信使其官某以下祇候辭再拜不出班奏聖躬萬福再拜出班關致詞訖又再拜贊各上殿祇候舍人引南階上殿就位立引從人贊姓名再拜奏聖躬萬福再拜稱萬歲贊各好去引出殿上揖應坐臣僚并使副就位鞠躬贊拜稱萬歲贊各就必行湯行茶畢揖臣僚并南使起立與應坐臣僚鞠躬贊拜稱萬歲贊各祇候立引使副六人於欄內拜跪受書匣畢直起立揖少前鞠躬受傳答語訖退於北階

下殿丹墀內面殿鞠躬舍人贊各好去引出臣僚出  
賀生辰正旦宋使朝辭皇帝儀臣僚入朝如常儀宋使至  
幕次於外賜從人衣物皇帝升殿宣徽契丹文武班起  
居上殿如曲宴儀中書令奏宋使副并從人朝辭榜子  
畢臣僚並於南面侍立教坊起居畢舍人引使副六人  
北洞門入丹墀北方面南鞠躬舍人鞠躬通南朝國信  
使某官某以下祗候辭再拜起居總闕如辭皇太后儀  
贊各祗候平身立揖使副鞠躬宣徽贊有勅使副再拜  
鞠躬平身立宣徽使贊各賜卿對衣金帶及段弓箭鞍  
馬等物宜知悉使副平身立揖大使三人少前俛伏跪

揖物過畢俛起復位立揖副使三  
人受賜亦如之贊謝恩舞蹈五拜贊上殿祗候舍人引  
使副南階上殿就位立引從人贊謝恩再拜起居再拜  
贊賜宴再拜皆稱萬歲贊各祗候承受引兩廊立御牀  
入皇帝飲酒舍人閣使贊臣僚使副拜稱萬歲皆如曲  
宴應坐臣僚拜稱萬歲坐行酒樂曲方首兩廊皆如  
之行殺行茶行饌亦如之行饅頭畢從人起如登位使  
之儀曲破臣僚使副皆起立拜稱萬歲如辭太后之儀  
使副下殿舞蹈五拜贊上殿祗候引北階上殿欄內  
立揖生辰正旦大使二人少前齊跪受書畢起立揖磬

折受起居畢退引北階下殿丹墀內並鞠躬舍人贊各  
好去引南洞門出次引殿上臣僚南北洞門出異報閣  
門無事

高麗使入見儀臣僚常服起居應上殿臣僚殿上序立閣  
門奏榜子引高麗使副面殿立引上露臺拜跪附奏起  
居訖拜起立閣門傳宣王詢安否使副皆跪大使奏臣  
等來時詢安引下殿面殿立進奉物入列置殿前控鶴  
官起居畢引進使鞠躬通高麗國王詢進奉宣徽使殿  
上贊進奉赴庫馬出擔牀出畢引使副退面西鞠躬舍  
人鞠躬通高麗國謝恩進奉使某官某以下祇候見拜

踏五拜不出班奏聖躬萬福無拜出班謝面天顏五拜  
出班謝遠接湯藥五拜贊各祇候使副私獻入列置殿  
前控鶴官起居引進使鞠躬通高麗國謝恩進奉某官  
某以下進奉宣徽使殿上贊如初引使副西階上殿序  
立皇帝不入御牀臣僚伴酒契丹舍人通漢人閣使贊  
再拜稱萬歲各就坐酒二行肴膳二味若宣令飲盡就  
位拜稱萬歲贊各就坐着膳不贊起再拜稱萬歲引下  
殿舞蹈五拜贊各祇候引出於幕次內別差使臣伴宴  
起宣賜衣物訖遥謝五拜畢歸館

曲宴高麗使儀臣僚入朝班齊皇帝升殿宣徽教坊控鶴

文武班起居皆如常儀。宴如宋使儀。贊各上殿。祇候契丹臣僚謝宴。宴為常儀。復入面南。鞠躬舍人鞠躬。通高麗國謝恩。進奉使某。宴以下起居。謝宴。宴共十。二拜贊各上殿。祇候臣僚。復副就位。立大臣進酒。契丹舍人通漢人閣使贊上殿。臣僚皆拜贊。各祇候進酒。大臣復位。立贊。應坐。臣僚拜贊。各就坐。行酒。若宣令飲盡。贊拜贊。各就坐。教坊致語。臣僚皆起立。口號絕贊。拜贊。各就坐。凡拜皆稱萬歲。曲破。臣僚起下殿。契丹臣僚謝宴中書令以下謝宴。畢引使副謝。七拜贊。各好去。控鶴官門外祇候報閣門無事。供奉官捲班出來。日闕。

聖體

高麗使朝辭儀。臣僚起居。上殿如常儀。閣門奏高麗使朝辭。榜子起居。戀闕如宋使之儀。贊各上殿。祇候引西階。上殿。立契丹舍人贊拜。稱萬歲。贊各就坐。中書令以下伴酒三行。肴饍二味。皆如初見之儀。既謝贊。有勅宴。五拜贊。各好去。引出於幕次內。別差使臣。供宴。畢賜衣物。跪受。遙謝。五拜歸館。

西夏國進奉使朝見儀。臣僚常朝。畢引使者左入。至丹墀。面殿。立引使者上露臺。立揖。少前拜跪。附奏起居。訖。俛興復位。閣使宣問某安否。鞠躬聽旨。跪奏某安。俛伏興。

退復位引左下至丹墀面殿立禮物右入左出畢閣使  
鞠躬通某國進奉使姓名候見共一十七拜贊祗候平  
立有私獻過畢揖使者鞠躬贊進奉收訖贊祗候引左  
上殿就位立臣僚使者齊聲喏酒三行引使左下至丹  
墀謝宴五拜畢贊有勅宴五拜祗候引右出禮畢於外  
賜宴客省伴宴仍賜衣物

西夏使朝辭儀常朝畢引使者左入通某國某使祗候辭  
再拜不出班起居再拜出班戀闕致詞復再拜賜木物  
謝恩如常儀若賜宴五拜畢贊好去引右出

志第二十

志第二十一

遼史五十二

開府儀同三司樞密錄軍國重事中書右丞相監修國史領經筵事都總叔臣脫脫奉  
勅修

禮志五

嘉儀上

皇帝受冊儀前期一日尚舍奉御設幄於正殿北墉下南  
面設御坐奉禮郎設官僚客使幕次於東西朝堂大樂  
令設宮懸於殿庭舉麾位在殿第二重西階上東向乘  
黃令陳車輅尚輦奉御陳輿輦尚舍奉御設解劔席于  
東西階設文官六品已上位橫街南東方西向武官五

品已上位橫街南西方東向皆北上重行每等異位將士各勒所部六軍仗屯諸門金吾仗黃麾仗陳于殿庭至日押冊官引冊自西便門入置冊案西階上通事舍人引侍從班入就位侍中東階下解劔履上殿欄外俛伏跪奏中嚴下殿劔履復位立閣使西階上殿欄外跪請木契面殿鞠躬奏奉勅喚仗殿中監少監殿中丞等押金吾四色仗入位臣僚後協律郎入就舉麾位符寶郎詣閣奉迎通事舍人引文官四品至六品武官三品至五品就門外位皇帝御輦至宣德門宣徽使押內諸司班起居引皇帝至閣服袞冕侍中東階下解劔履上

殿版奏外辨太常博士引太常卿太常卿引帝內諸司出協律郎舉麾太樂令令撞黃鍾之鍾左五鍾畢應工人鼓祝樂作皇帝即御坐宣徽使贊扇合樂止贊簾捲扇開符寶郎奉寶進左右金吾報平安通事舍人引文官三品武官二品已上入門樂作就相向位畢樂止通事舍人引侍從班南班文官三品武官二品已上合班北向東班西上西班東上起居七拜分班各復位通事舍人引押冊官押冊自西階下至丹墀當殿置香案冊案置冊訖樂作就位樂止捧冊官近後東西相對立舍人引侍從班并南班合班北向如初贊再拜在位者皆

再拜舞蹈五拜分班各復位如初捧冊官就西階下解  
劔席解劔履捧冊西階上殿樂作置冊御坐前東西立  
北向捧冊官西墉下立北上樂止讀冊官出班當殿立  
贊再拜三呼萬歲就西階下解劔席解劔履西階上殿  
欄內立當御坐前侍中取冊捧冊官捧冊匣至讀冊官  
前跪相對捧冊讀冊官俛伏跪讀訖俛伏與捧冊官跪  
左膝以冊授侍中侍中受冊以冊授執事者降自西階  
劔履訖復當殿位贊再拜三呼萬歲復分班位舍人引  
侍從班南班合班北向如初贊拜在位者皆拜舞蹈鞠  
躬如初通事舍人引班首西階下解劔履上殿樂作就

欄內位樂止俛伏跪通全銜臣某等致詞稱賀訖俛伏  
興降西階下帶劔納弔樂作復位樂止贊拜在位者皆  
再拜舞蹈五拜鞠躬侍中臨軒西向稱有制皆再拜侍  
中宣荅訖贊皆再拜舞蹈五拜分班各復位三品已上  
出樂乍出門畢樂止侍中當御坐俛伏跪通全銜奏禮  
畢俛伏興退東階下殿帶劔納履復位宣徽使贊扇合  
下簾太常博士太常卿引皇帝起樂作至閣樂止舍人  
引文官四品武官三品以下出門外分班立次引侍從  
班出次兵部吏部出次金吾出次起居郎舍人出次殿  
中監少監押金吾細仗出仍位臣僚後次東西門

使於丹墀內鞠躬奏衙內無事捲班出閣門使丹墀內  
鞠躬揖奉勅放仗出門外文武班中間立喚承受官承  
受官聲喏至閣使後鞠躬揖閣使鞠躬稱奉勅放仗承  
受聲喏鞠躬揖平身立引聲奉勅放仗聲絕趨退文武  
合班再拜舍人一員攝詞令官殿前鞠躬揖稱奉勅放  
黃麾仗出放金吾仗亦如之翼日文武臣僚入問聖躬  
太平元年行此儀大略遵唐晉舊儀又有上契丹冊  
儀以阻午可汗柴冊禮人唐禮雜就之又有上漢冊  
儀與此儀大同小異加以上寶儀

冊皇太后儀前期陳設於元和殿如皇帝受冊之儀至日  
皇帝御弘政殿冊入侍從班入門外金吾列仗文武分  
班侍中解劔奏中嚴宣徽使請木契喚仗皆如之樂工  
入閣使門外文武班中間立喚承受官聲喏趨至閣使  
後立閣使鞠躬揖稱奉勅喚仗承受官鞠躬聲喏揖引  
聲奉勅喚仗文武合班再拜殿中監押仗入文武班入  
亦如之宣徽使押內諸司供奉官天橋班俟皇太后御  
紫宸殿乘平頭轎童子女童隊樂引至金鑾門閣使奏  
內諸司起居訖贊引駕自下先行至元和殿皇太后入  
西北隅閣內更衣侍中解劔上殿奏外辦宣徽受版入  
奏侍中降復位協律郎舉麾樂作太樂令太常卿導引

皇太后升坐宣徽使贊扇心簾捲扇開樂止符寶郎奉  
寶置皇太后坐左右金吾大將軍對揖鞠躬奏軍國  
內外平安東上閣門副使引丞相東門入西上閣門副  
使引親王西門入通事舍人引文武班入如儀樂作至  
位樂止文武班趨進相向再拜退復位東西上閣門使  
宣徽使自弘政殿引皇帝御肩輿至西便門下引入門  
樂作至殿前位樂止宣徽使贊皇帝拜問皇太后聖躬  
萬福拜皇帝御西閣坐合班起居如儀北府宰相押冊  
中書樞密令史八人昇冊東西上閣門使引冊宣徽使  
引皇帝送冊樂作至殿前置冊位樂止宣徽使贊皇帝

再拜稱萬歲群臣陪位揖翰林學士四人大將軍四人  
昇冊皇帝捧冊行三舉武授冊昇之西階上殿置太后  
坐前樂止皇帝冊西面東立舍人引丞相當殿再拜三  
呼萬歲解劔西階上殿樂作至讀冊位樂止俛伏跪讀  
冊訖俛伏三呼萬歲復班位宣徽使引皇帝下殿樂作  
至殿前位樂止皇帝拜舞蹈拜訖引皇帝西階上殿至  
皇太后坐前位俛跪致詞訖俛伏興引西階下至殿前  
位拜舞蹈拜鞠躬侍中臨軒宣太后答稱有制皇帝再  
拜宣訖引皇帝上殿樂作至西閣樂止丞相親王侍從  
文武合班贊拜舞蹈三呼萬歲如儀丞相上加侍中宣

卷之三十一  
五  
答如儀丞相以下出舉樂出門樂止侍中奏禮畢官徽  
索扇扇台下簾皇太后起舉樂入閣樂止文武官出門  
外分班侍從兵部吏部起居金吾仗出如儀閣使奏放  
仗皆如皇帝受冊之儀

冊皇后儀至日北南臣僚內外命婦詣端拱殿幕次皇后  
至閣侍中奏中嚴引命婦班入就東西相向位立皇帝  
臨軒命使發冊使副押冊至端拱殿門外幕次侍中奏  
外辦所司承旨索扇扇上舉麾樂作皇后出閣升坐扇  
開簾捲偃麾樂止引命婦合班面殿起居八拜皇后降  
坐樂作至殿下褥位樂止引冊入置皇后褥位前侍中

傳宣皇后四拜命婦陪位皆拜引讀冊官至皇后褥位  
前俛伏跪讀訖皇后四拜陪位者皆拜引皇后升殿使  
臣引冊置皇后坐前冊案退西向侍立命婦當殿稱賀  
四拜引班首東階上殿致詞訖東階下殿復位四拜侍  
中奏宣答稱有教旨四拜宣答訖四拜班首上殿進酒  
皇后賜押冊使副等酒訖侍中奏禮畢承旨索扇樂作  
皇后起入閣樂止分引命婦等東西門出

冊皇太子儀前期一日設幄坐于宣慶殿設文武官幕次  
于朝堂并殿庭板位太樂令陳宮縣皆如皇帝受冊儀  
守宮設皇太子次于朝堂北西向乘黃令陳金輅朝堂

門外西向皇太子儀仗加簫鼓吹等陳宣慶門外典儀  
設皇太子板位于殿橫街南近東北向設文武官五品  
以上位於樂縣東西餘官如常儀至日門下侍郎奉冊  
中書侍郎奉寶綬各置于案令史二人絳服對舉案立  
寶案在橫街北西向冊案在北門下侍郎中書侍郎並  
立案後侍中板奏中嚴皇太子遠遊冠絳紗袍乘珪出  
太子舍人引入就板位北面殿立東宮官三師以下皆  
從立皇太子東南西向太子入門樂作至位樂止典儀  
贊皇太子再拜在位者皆再拜中書令立太子東北西  
向門下侍郎引冊案中書侍郎取冊進授中書令退復  
位傳宣官稱有制皇太子再拜傳宣訖再拜中書令跪  
讀冊訖俛伏興皇太子再拜受冊退授左庶子中書侍  
郎取寶進授中書令皇太子進受寶退授左庶子中書  
令以下退復位昇案者以案退典儀贊再拜皇太子拜  
在位者皆再拜太子舍人引皇太子退樂作出門樂止  
侍中奏禮畢皇太子升金輅左庶子以下夾侍儀仗鼓  
吹等並列宣慶門外三師三少諸宮臣於金輅前後導  
從鳴鐃而行遠東宮宮庭先設仗衛如式至宮門鐃止  
皇太子降金輅舍人引入就位坐文武宮臣序班稱賀  
禮畢

禮畢

冊王妃公主儀至日押冊使副并讀冊等官押冊東便門入持節前導至殿前案置橫街北少東引使副等面殿立而鞠躬待中臨軒稱有制皆再拜鞠躬宣制訖舞蹈五拜引冊於宣慶門出使副等押領儀仗冊案赴各私第廳前向闕陳列設傳宣受冊拜褥冊案置褥左去幕蓋使副案右序立受冊者就位立傳宣稱有制再拜宣制畢昇冊人舉冊匣於褥前跪捧引讀冊者與受冊者皆俛伏跪讀訖皆俛伏興受冊者謝恩國王五拜王妃公主四拜若冊禮同日先上皇太后冊寶次臨軒同制遣使冊皇后諸王妃主次冊皇太子

皇帝納后之儀擇吉日至日后族畢集詣旦后出私舍坐于堂皇帝遣使及媒者以牲酒饗餼至門執事者以告使及媒者入謁再拜平身立少頃拜進酒于皇后次及后之父母宗族兄弟酒徧再拜納幣致詞再拜訖后族皆坐惕隱夫人四拜請就車后辭父母伯叔父母兄各四拜宗族長者皆再拜皇后升車父母飲后酒致戒詞徧及使者媒者送者發軔伯叔父母兄飲后酒如初教坊遮道贊祝后命賜以物后族追拜進酒遂行將至宮門宰相傳勅賜皇后酒徧及送者既至惕隱率皇族奉迎再拜皇后車至便殿東南七十步止惕隱夫人請降車

負銀鬃捧滕履黃道行後一人張羔裘若龍裘之前一婦人捧鏡却行置鞍于道后過其上乃詣神主室三拜南北向各一拜酌酒向謁者一拜起居訖再拜次詣舅姑御容拜奠酒選皇族諸婦宜子孫者再拜之授以鬃滕又詣諸帝御容拜奠酒神賜襲衣珠玉珮飾拜受服之后姊若妹陪拜者各賜物皇族迎者后族送者徧賜酒皆相偶飲訖后坐別殿送后者退食于次媒者傳旨命送后者列于殿北族皇帝即御坐選皇族尊者一人當與坐主婚禮命執事者往來致辭于后族引后族之長率送后者升當御坐皆再拜又一拜少進附奏送后之

詞退復位再拜后族之長及送后者向當與者三拜南北向各一拜向謁者一拜后族之長跪問聖躬萬福再拜復奏送后之詞又再拜當與者與媒者行酒三周命送后者再拜皆坐終宴翼日皇帝晨興詣先帝御容拜奠酒訖復御殿宴后族及羣臣皇族后族偶飲如初百戲角觝戲馬較勝以爲樂又翼日皇帝御殿賜后族及賸送后者各有差受賜者再拜進酒再拜皇帝御別殿有司進皇后服飾之籍酒五行送后者辭訖皇族獻后族禮物后族以禮物謝當與者禮畢

公主下嫁儀選公主諸父一人爲婚主凡當與者媒者致

詞之儀自納幣至禮成大略如納后儀擇吉日詰旦媒者趣尚主之家詣宮候皇帝皇后御便殿率其族入見進酒訖命皇族與尚主之族相偶飲翼日尚主之家以公主及婿率其族入見致宴于白帝皇后獻贐送者禮物訖朝辭賜公主青幃車二螭頭蓋部皆飾以銀駕馬送終車一車樓純錦銀螭懸鐸後垂大氈駕牛載羊一謂之祭羊擬送終之具至覆尸儀物咸在賜其婿朝服四時襲衣鞍馬凡所須無不備選皇族一人送至其家親王女封公主者婚儀倣此以親疏為差降

志第二十一

志第二十二

遼史五十三

開府儀同三司程國祿軍國重事中書右丞相監修國史領經筵事都總裁臣脫脫奉

勅修

禮志六

嘉儀下

皇太后生辰朝賀儀至日臣僚入朝國使至幕班齊如常儀皇太后昇殿坐皇帝東面側坐契丹舍人殿上通名契丹漢人臣僚宋使副綴翰林學士班東西兩洞門入合班稱賀班首上殿祝壽分班引出皆如正旦之儀教坊起居七拜契丹漢人臣僚入進酒皆如正之儀唯宣

北稱聖旨皇帝降御座進奉皇太后生辰禮物過畢皇帝殿上再拜殿下臣僚皆再拜皇帝昇御座引臣僚分班出引中書令北太王西階上殿奏契丹臣僚進奉次漢人臣僚并諸道進奉控鶴官置擔牀起居四拜畢引進使鞠躬通文武百僚某官某以下高麗夏國諸道進奉宣徽使殿上贊進奉各付所司控鶴官聲喏擔牀過畢契丹漢人臣僚以次謝五拜贊各祗候引出教坊諸道進奉使謝如之契丹臣僚謝宣宴引上殿就位立漢人臣僚并宋使副東洞門入面西謝宣宴如正旦儀贊各上殿祗候臣僚使副上殿就位立亦如之監瓊教坊

上殿從人入東廊立皆如之御牀入皇帝初進酒臣僚就位陪拜皇太后飲酒殿上應坐侍立臣僚皆拜稱萬歲贊各祗候立皇太后卒飲手賜皇帝酒皇帝跪卒飲退就褥位再拜臣僚皆陪拜若皇帝親賜使相臣僚宋使副酒皆立飲皇帝昇坐贊應坐臣僚并使副皆拜稱萬歲贊各就坐行方裊殿臣僚酒如正旦儀一進酒兩廊從人拜稱萬歲各就坐親王進酒如正旦儀若皇太后手賜親王酒跪飲訖退露臺上五拜贊祗候殿上三進酒行餅茶訖教坊跪致語揖臣僚使副廊下從人皆立口號絕贊拜亦如之行茶行殺膳皆如之大饌入

行粥盃殿上七進酒使相臣僚樂曲終揖廊下從人起拜稱萬歲各好去承受官引兩門出曲破揖臣僚使副起鞠躬贊拜皆拜稱萬歲贊各祗候引臣僚使副下殿契丹臣僚謝宴畢出漠人臣僚使副舞蹈五拜畢贊各好去出洞門畢報閣門無事皇太后皇帝起

應聖節宋遣使來賀生辰正旦始制此儀故詳見賓儀

凡五拜拜興再拜興跪擗笏三舞蹈三扣頭出笏就拜興拜興再拜興其就拜亦曰俛伏興

賓儀臣僚皆曰坐於此儀曰高裊與方裊別

皇帝生辰朝賀儀臣僚國使班齊皇帝昇殿坐臣僚使副入合班稱賀合班出皆如皇太后生辰儀中書令北大王奏諸道進奉表日教坊起居七拜臣僚東西門入合班再拜贊進酒班首上殿進酒宣徽使宣答羣臣謝宣諭分班奏樂皇帝卒飲合班班首下殿分班出皆如正旦之儀進奉皆如皇太后生辰儀皇帝詣皇太后殿近上皇族外戚大臣並從奉迎太后即皇帝殿坐皇太后御小輦皇帝輦側步從臣僚分行序引宣徽使諸司閣門攢隊前引教坊動樂控鶴起居四拜引駕臣僚並於山樓南方立候皇太后入閣揖使副并臣僚入幕次皇

太后昇殿坐皇帝東方側坐引契丹漢人臣僚使副兩  
洞門入合班起居舞蹈五拜贊各祗候面殿立皇帝降  
御坐殿上立進皇太后生辰禮物過畢皇帝殿上再拜殿  
上下臣僚皆拜皇帝昇御座引臣僚分班出契丹臣僚  
入謝宣宴漢人臣僚使副入通名謝宣宴上殿就位不  
應坐臣僚出從人入皆如儀御牀入皇帝初進皇太后  
酒皇太后賜皇帝酒皆如皇太后生辰儀贊各就坐行  
酒宣飲盡就位謝如儀殿上進酒畢從人入就位如  
儀親王進酒行餅茶教坊致語如儀行茶行肴饌如儀  
七進酒使相樂曲終從人起曲破臣僚使副起餘皆如

### 正旦之儀

皇后生辰儀臣僚昧爽朝皇帝皇后大帳前拜日契丹漢  
人臣僚陪拜皇帝昇殿坐皇后再拜臣僚殿下合以陪  
拜皇帝賜皇后生辰禮物皇后殿上謝再拜臣僚皆拜  
契丹舍人通名契丹漢人臣僚以次入賀錢人舍人贊  
舞蹈五拜起居不表聖躬萬福贊再拜班首上殿拜跪  
自通全銜祝壽訖引下殿復位鞠躬贊舞蹈五拜贊各  
祗候引宰臣一員上殿奏百僚諸道進表自教坊起居  
七拜不賀控鶴官起居四拜諸道押衙附奏起居賜宴  
共八拜契丹漢人合班進壽酒舞蹈五拜引大臣一員

上殿欄外褥位擗笏執臺瑤進酒皇帝皇后受瑤退復  
 褥位授臺出笏欄內拜跪自通全銜祝壽臣等謹進千  
 萬歲壽酒訖引下殿復位舞蹈五拜鞠躬宣徽使奏宣  
 荅如儀引上殿擗笏執臺皇帝皇后飲殿下臣僚分班  
 教坊奏樂皆拜稱萬歲卒飲皇帝皇后授瑤引下殿舞  
 蹈五拜贊各祗候引出臣僚進奉如儀宣宴如儀教坊  
 監瑤臣僚上殿祗候如儀皇后進皇帝酒殿上贊拜侍  
 臣僚皆拜皇帝受瑤皆拜皇后坐契丹舍人漢人閣使  
 殿上贊拜皆拜稱萬歲贊各就坐大臣進皇帝皇后酒  
 行酒如儀酒三行無殺行饌又進皇帝皇后酒酒再行  
 大饌入行粥教坊致語臣僚皆起立口號絕贊拜稱萬  
 歲引下殿謝宴引出皆如常儀

進士接見儀其日舉人從時相至御帳側通名榜子與時  
 相榜子同奏訖時相朝見如常儀畢揖進士第一名以  
 下丹墀內面殿鞠躬通名四拜贊各祗候皆退若有進  
 文字者不退奉卷平立閣門奏受跪左膝授訖直起退  
 禮畢

進士賜等甲勅儀臣僚起居畢讀卷官奏訖於左方依等  
 甲唱姓名序立閣門交收勅牒閣使奏引至丹墀依等  
 甲序立閣使稱有勅再拜鞠躬舍人宣勅各依等甲賜

進士  
五  
卿勅牒一道想宜知悉揖拜各跪左膝受勅訖鞠躬皆  
再拜各祇候分引左右相向侍立候奏事畢引兩階上  
殿就位齊聲喏賜坐酒三行起聲喏如初退揖出禮畢  
牌印郎君行酒閣使勸飲

進士賜章服儀皇帝御殿臣僚公服引進士入東方面西  
再拜揖就丹墀位面殿鞠躬閣使稱有勅再拜鞠躬舍  
人宣勅各依等申賜卿勅牒一道兼賜章服想宜知悉  
揖再拜跪受勅訖再拜退引至章服所更衣訖揖復丹  
墀位鞠躬贊謝恩舞蹈五拜各祇候殿東亭內序立聲  
喏坐賜宴簪花宣閣使一員閣門三人或二人勸飲終

日禮畢

宰相中謝儀皇帝常服昇殿坐諸班起居如常儀應坐臣  
僚上殿其餘臣僚殿下東西侍立皆如宋使初見之儀  
引中謝官左入至丹墀面西立舍人當殿鞠躬通新受  
具官姓名祇候中謝宣徽殿上索通班舍人就贊禮位  
贊某官至宣徽贊通班舍人二人對立揖中謝官鞠躬  
贊就拜位舍人二人引面殿鞠躬贊拜中謝官舞蹈五  
拜不出班奏聖躬萬福贊再拜揖出班跪叙官至訖訖  
俛伏興復仁贊拜舞蹈五拜又出班中謝致詞如初儀  
共十有七拜贊祇候引右階上殿就位揖應坐臣僚聲

啗坐供奉官行酒傳宣飲盡臣僚搯笏執琖起位後立  
飲置琖出笏贊拜臣僚皆再拜贊各坐搯笏執琖授供  
奉官琖酒三行揖應坐臣僚聲喏立引中謝官右階下  
殿至丹墀面殿鞠躬贊拜舞蹈五拜引右出臣僚皆出  
丞相樞密使同餘官不升殿賜酒不帶節度使不通班  
止通名七拜衆謝班首一人出班中謝

拜表儀其日先於東上閣門陳設氈位分引南北臣僚諸  
國使副於氈位合班通事舍人二人舁表案置班首前  
揖鞠躬再拜平身中書舍人立案側班首跪搯笏與捧  
表跪左膝以表授中書舍人出笏就拜興再拜中書舍  
人復置表案上通事舍人舁表案於東上閣門入捲班  
分引出禮畢

元日皇帝不御坐行此儀餘應上表有故皆倣此

賀生皇子儀其日奉先帝御容設正殿皇帝御八角殿舁  
坐聲警畢北南宣徽使殿階上左右立北南臣僚金冠  
盛服合班入班首二人捧表立讀表官先於左階上側  
立二宣徽使東西階下殿受表捧表者跪左膝授訖就  
拜興再拜各祗候二宣徽使俱左階上授讀表官讀訖  
揖臣僚鞠躬引北面班首左階上殿欄內稱賀訖引左  
階下殿復位舞蹈五拜禮畢

通志三十一  
七  
賀祥瑞儀聲警北南臣僚金冠盛服合班立班首二人各  
奉表賀北南宣徽使左階下殿受表上殿授讀表大臣  
讀訖揖殿下臣僚鞠躬五拜畢鞠躬引班首二人左階  
上殿欄內拜跪稱賀致詞訖引左階下殿復位五拜畢  
鞠躬宣答聽制訖再拜鞠躬謝宣諭五拜畢各祗候分  
班侍立禮畢兩府奏事如常

乾統六年木葉山瑞雲見始行此儀天慶元年天雨穀  
謝宣諭後趙王進酒教坊動樂臣僚酒一行禮畢奏事  
賀平難儀皇帝皇后昇殿坐北南臣僚并命婦合班五拜  
揖班首二人出班俛跪播笏執表昇案近前閣使受表

置案上皆再拜通事舍人二人昇案左階上殿置露臺  
上讀表官受入讀表對御讀訖臣僚殿下五拜鞠躬引  
班首二人左右階上殿欄內並立先引北面班首少前  
跪致詞訖退復褥位以引南面班首亦如之畢分引左  
右階下殿復位五拜鞠躬宣徽稱有勅再拜宣答內難  
已平與公等內外同慶謝宣諭五拜捲班臣僚從皇帝  
命婦從皇后詣皇太后殿見先帝御容陪位皆再拜皇  
太后正坐稱賀共一拜並引上殿賜宴如儀

平難之儀道宗清寧九年太叔重元謀逆仁懿太后  
親率衛士與逆黨戰事平因制此儀

正旦朝賀儀臣僚并諸國使昧爽入朝奏班齊皇帝昇殿坐契丹舍人殿上通訖引契丹臣僚東洞門入引漢人臣僚并諸國使西洞門入合班舞蹈五拜鞠躬平身引親王東階上殿欄內褥位俛伏跪自通全街臣某等祝壽訖伏興退引東階下殿復位舞蹈五拜畢鞠躬宣徽使殿上鞠躬奏臣宣答稱有勅班首以下聽制訖再拜鞠躬宣徽傳宣云履新之慶與公等同之舍人贊謝宣諭拜舞蹈五拜贊各祗候分班引出引班首西階上殿奏表目訖教坊起居賀十二拜畢贊各祗候引契丹漢人臣僚并諸國使東西洞門入合班再拜贊進酒引親

王東階上殿就欄內褥位摺笏執臺琖進酒訖退復褥位置臺出笏少前俛跪自通全街臣某等謹進千萬歲壽酒俛伏興退復褥位與殿上臣僚皆再拜鞠躬俟宣徽使殿上鞠躬奏臣宣答稱有制親王以下再拜如初儀傳宣云飲公等壽酒與公等內外同慶舍人贊謝宣諭如初贊各祗候親王摺笏執臺殿下臣僚分班皇帝飲酒教坊奏樂殿上下臣僚皆拜稱萬歲贊各祗候樂止教坊再拜皇帝卒飲親王進受琖復褥位置臺琖出笏揖臣僚合班引親王東階下殿復位鞠躬再拜贊各祗候分班引出皇帝起詣皇太后殿臣僚并諸國使皆

從皇太后昇殿皇帝東方側坐引契丹漢人臣僚并諸國使兩洞門入班稱賀進酒皆如皇帝之儀畢引出教坊入起居進酒亦如之皇太后宣答稱聖旨契丹班謝宣宴上殿就位立漢人臣僚并諸國使東洞門入丹墀東方面西鞠躬舍人鞠躬通文武百僚率其已下謝宣宴再拜出班致詞訖退復位舞蹈五拜贊各上殿祇候引宰臣以下并諸國使副方裊朵殿臣僚西階上殿就位立不應坐臣僚並於西洞門出二人監琰教坊再拜贊各上階下殿謝宴如皇太后生辰儀

冬至朝賀儀臣僚班齊如正旦儀皇帝皇后拜日臣僚陪

位再拜皇帝皇后昇殿坐契丹舍人通臣僚入合班親王祝壽宣答皆如正旦之儀謝訖舞蹈五拜鞠躬出班奏聖躬萬福復位再拜鞠躬班首出班俛伏跪祝壽訖伏興舞蹈五拜鞠躬贊各祇候分班不出合班御牀入再拜鞠躬贊進酒臣僚平身引親王左階上殿就欄內褥位搢笏執臺琰進酒皇帝皇后受琰訖退就褥位置臺出笏俛伏跪少前自通全銜臣某等謹進千萬歲壽酒俛伏興退復褥位再拜鞠躬殿下臣僚皆再拜鞠躬宣答如正旦儀親王搢笏執臺分班皇帝皇后飲酒奏樂殿上下臣僚皆拜稱萬歲壽樂止教坊再拜臣僚合

班親王進受琖至褥位置臺琖出笏引左階下殿出御  
牀親王復丹墀位再拜鞠躬贊祗候分班引出班首右  
階上殿奏表目進奉諸道進奉教坊進奉過訖贊進奉  
收班首舞蹈五拜鞠躬贊各祗候班首出臣僚復入合  
班謝舞蹈五拜鞠躬贊各祗候分班引出聲警皇帝皇  
后起赴北殿皇太后於御容殿與皇帝皇后率臣僚再  
拜皇太后上香皆再拜贊各祗候可矮徽以上上殿皇  
太后三進御容酒陪位皆拜皇太后昇殿坐皇帝就露  
臺上褥位親王押北南臣僚班丹墀內立皇帝再拜臣  
僚皆拜鞠躬皇帝欄內跪祝皇太后壽訖復位再拜凡  
拜皆稱萬歲贊各祗候臣僚不出皇帝皇后側座親三  
進酒臣僚陪拜皇太后宣荅皆如正旦之儀臣僚分班  
不出班首右階上殿奏表目合班謝宣宴上殿就位如  
儀御牀入皇帝進皇太后酒如初各就座行酒宣飲盡  
如皇太后生辰之儀皇后進酒如皇帝之儀三進酒行  
茶教坊致語行穀饌大饌七進酒曲破臣僚起御牀出  
謝宴皆如皇太后生辰儀

立春儀皇帝出就內殿拜先帝御容北南臣僚丹墀內合  
班再拜可矮徽以上入殿賜坐帝進御容酒陪位并侍  
立皆再拜一進酒臣僚下殿左右相向立皇帝戴幡勝

等第賜幡勝臣僚簪畢皇帝於土牛前上香三奠酒不拜教坊動樂侍儀使跪進綵杖皇帝鞭土牛可矮檄以上北南臣僚丹墀內合班跪左膝受綵杖直起再拜贊各祗候司辰報春至鞭土牛三匝矮檄鞭止引節度使以上上殿撒穀豆擊土牛撒穀豆許眾奪之臣僚依位坐酒兩行春盤入酒三行畢行茶皆起禮畢

重午儀至日臣僚昧爽赴御帳皇帝繫長壽綵縷昇車坐引北南臣僚合班如丹墀之儀所司各賜壽縷揖臣僚跪受再拜引退從駕至饌所酒三行若賜宴臨時聽勅重九儀北南臣僚旦赴御帳從駕至圍場賜茶皇帝就坐

引臣僚御前班立所司各賜菊花酒跪受再拜酒三行揖起

藏闔儀至日北南臣僚常服入朝皇帝御天祥殿臣僚依位賜坐契丹南面漢人北面分朋行闔或五或七等賜饌入食畢皆起頃之復坐行闔如初晚賜茶三等或五等罷教坊承應若帝得闔臣僚進酒訖以次賜酒

大康十年十二月二十二日始行是儀是日不御朝歲時雜儀正旦國俗以糯飯和白羊髓爲餅丸之若拳每帳賜四十九枚戊夜各於帳內窻中擲丸於外數偶動樂飲宴數音令巫十有二人鳴鈴執箭繞帳歌呼帳內

爆鹽壚中燒地拍鼠謂之驚鬼居七日乃出國語謂正  
旦為廼捏吶呢廼正也捏吶呢日也

立春婦人進春書刻青繒為幟像龍御之或為蟾蜍書幟  
曰宜春

人日凡正月之日一雞二狗三豕四羊五馬六牛七日為  
人其占晴為祥陰為災俗煎餅食於庭中謂之薰天

二月一日為中和節國舅族蕭氏設宴以延國族耶律氏  
歲以為常國語是日為忸里忸忸里請也忸時也忸讀  
若狎忸讀若頗

二月八日為悉達太子生辰京府及諸州雕木為像儀仗  
百戲導從循城為樂悉達太子者西域淨梵王子姓瞿  
曇氏名釋迦牟尼以其覺性稱之曰佛

三月三日為上巳國俗刻木為兔分朋走馬射之先中者  
勝負朋下馬列跪進酒勝朋馬上飲之國語謂是日為  
陶里樺陶里兔也樺射也

五月重五日午時採艾葉和綿著衣七事以奉天子北南  
臣僚各賜三事君臣宴樂渤海膳夫進艾餅以五絲絲  
為索纏臂謂之合歡結又以絲絲宛轉為人形簪之謂  
之長命縷國語謂是日為討賽吶呢討五賽吶呢月也  
夏至之日俗謂之朝節婦人進綵扇以粉脂囊相贈遺

六月十有八日國俗耶律氏設宴以延國舅族蕭氏亦謂之忭里忒

七月十三日夜天子於宮西三十里卓帳宿焉前期備酒饌翼日諸軍部落從者皆動蕃樂飲宴至暮乃歸行宮謂之迎節十五日中元動漢樂大宴十六日昧爽復往西方隨行諸軍部落大譟三謂之送節國語謂之賽呀呢奢奢好也

八月八日國俗屠白犬於寢帳前七步瘞之露其喙後七日中秋移寢帳於其上國語謂之捏褐耐捏褐犬也耐首也

九月重九日天子率群臣部族射虎少者為負罰重九宴射畢擇高地卓帳賜蕃漢臣僚飲菊花酒兔肝為鸞鹿舌為醬又研茱萸酒洒門戶以禳穰國語謂是日為必里遲離九月九日也

歲十月五京進紙造小衣甲槍刀器械萬副十五日天子與群臣望祭木葉山用國字書狀并焚之國語謂之戴辣戴燒也辣甲也

冬至日國俗屠白羊白馬白鴈各取血和酒天子望拜黑山黑山在境北俗謂國人魂魄其神司之猶中國之岱宗云每歲是日五京進紙造人馬萬餘事祭山而焚之

俗甚嚴畏非祭不敢近山

臘辰日天子率北南臣僚並戎服戊夜坐朝作樂飲酒等  
第賜申仗羊馬國語謂是日爲炒伍而尉炒伍而戰也  
再生儀凡十有二歲皇帝本命前一年季冬之月擇吉日  
前期禁門北除地置再生室母后室先帝神主輿在再  
生室東南倒植三岐木其日以童子及產醫姬置室中  
一婦人執酒一叟持矢箠立於室外有司請神主降輿  
致奠奠訖皇帝出寢殿詣再生室群臣奉迎再拜皇帝  
入室釋服跣以童子從三過岐木之下每過產醫姬致  
詞拂拭帝躬童子過岐木上皇帝卧木側叟繫箠曰生

男矣太巫蒙皇帝首興群臣稱賀再拜產醫姬受酒于  
執酒婦以進太巫奉襁褓綵結等物贊祝之預選七叟  
各立御名繫于綵皆跪進皇帝選嘉名受之賜物再拜  
退群臣皆進襁褓綵結等物皇帝拜先帝諸御容遂寔  
群臣

善哉阻午可汗之垂訓後嗣也孺子無不慕其親者  
嗜欲深而愛淺妻子具而孝衰人人皆然而况天子  
乎再生之儀歲一周星使天子一行是禮以起其孝  
心夫體之也真則其思之也切孺子之慕將有油然  
發于中心者感發之妙非言語文字之所能及善哉

遼志二十三  
阻午可汗之垂訓後嗣也始之以三過岐木母氏劬  
勞能無念乎終之以拜先帝御容敬承宗廟宜何如  
哉詩曰無念爾祖聿脩厥德

二十三

志第二十三

遼史五十四

開府儀同三司上柱國錄軍國重事平書右丞相監修國史領經筵事都總裁臣脫脫奉

勅修

樂志

遼有國樂有雅樂有大樂有散樂有鏡歌橫吹樂舊史稱  
聖宗興宗咸通音律聲氣歌辭舞節徵諸太常儀鳳教坊  
不可得按紀志遼朝雜禮參考史籍定其可知者以補一  
代之闕文嗚呼咸韶夏武之樂聲亡書逸河間作記史遷  
因以為書寥寥乎希哉遼之樂觀此足矣

國樂

遼志二十三  
阻午可汗之垂訓後嗣也始之以三過岐木母氏劬  
勞能無念乎終之以拜先帝御容敬承宗廟宜何如  
哉詩曰無念爾祖聿脩厥德

二十三

志第二十三

遼史五十四

開府儀同三司上柱國錄軍國重事平書右丞相監修國史領經筵事都總裁臣 脫脫奉

勅修

樂志

遼有國樂有雅樂有大樂有散樂有鏡歌橫吹樂舊史稱  
聖宗興宗咸通音律聲氣歌辭舞節徵諸太常儀鳳教坊  
不可得按紀志遼朝雜禮參考史籍定其可知者以補一  
代之闕文嗚呼咸韶夏武之樂聲亡書逸河間作記史遷  
因以為書寥寥乎希哉遼之樂觀此足矣

國樂

遼有國樂猶先王之風其諸國樂猶諸侯之風故志其略  
正月朔日朝賀用官懸雅樂元會用大樂曲破後用散樂  
角觝終之是夜皇帝燕飲用國樂

七月十三日皇帝出行宮三十里卓帳十四日設宴應從  
諸軍隨各部落動樂十五日中元大宴用漢樂

春飛放杏堦皇帝射獲頭鷲薦廟燕飲樂工數十人執小  
樂器侑酒

諸國樂

太宗會同二年晉宣徽使楊端王朮等及諸國使朝見皇  
帝御便殿賜宴端朮起進酒作歌舞上為舉觴極歡

會同二年端午日百僚泊諸國使稱賀如式燕飲命西鵲  
燉煌二使作本國舞

天祚天慶二年駕幸混同江頭魚酒筵半酣上命諸酋長  
次第歌舞為樂女直阿骨打端立直視辭以不能上謂  
蕭奉先曰阿骨打意氣雄豪顧視不常可託以邊事誅  
之不然恐貽後患奉先奏阿骨打無大過殺之傷向化  
之意曩爾小國又何能為

雅樂

自漢以後相承雅樂有古頌焉有古大雅焉遼闕郊廟禮  
無頌樂大同元年太宗自汴將還得晉太常樂諸官懸樂

架委所司先赴中京

聖宗太平元年尊號冊禮設宮懸於殿庭舉麾位在殿第三重西階之上協律郎各入就舉麾位太常博士引太常卿太常卿引皇帝將仗動協律郎舉麾太樂令令撞黃鍾之鍾左右鍾皆應工人舉祝樂作皇帝即御坐扇合樂止

王公入門樂作至位樂止

通事舍人引押冊大臣初動樂作置冊殿前香案訖就位樂止

昇冊官奉冊初動樂作升殿置冊御坐前就西墉北上

位樂止

大臣上殿樂作至殿欄內位樂止

大臣降殿階樂作復位樂止

王公三品以上出樂作太常博士引太常卿太常卿引皇帝降御坐入閣樂止

興宗重熙九年上契冊冊皇帝出奏隆安之樂

聖宗統和元年冊承天皇太后設宮懸篋簾太樂工協律郎入

太后儀衛動舉麾大和樂作太樂令太常卿導引昇御坐簾捲樂止

文武三品以上入舒和樂作至位樂止

皇帝入門雍和樂作至殿前位樂止

宰相押冊皇帝隨冊樂作至殿前置冊於案樂止

翰林學士大將軍昇冊樂作置御坐前樂止

丞相上殿樂作至讀冊位樂止

皇帝下殿樂作至位樂止

太后宣荅訖樂作皇帝至西閣樂止

親王丞相上殿樂作退班出樂止

下簾樂作皇太后入內樂止

冊皇太子儀太子初入門貞安之樂作

冊禮樂工次第

四隅各置建鼓一處樂工各一人

宮懸每面九處每處樂工一人

殿懸每面七處每處樂工一人

樂懸內生部樂工左右各一百二人

樂處西南武舞六十四人執小旗二人

樂處東南文舞六十四人執小旗二人

協律郎二人

太樂令一人

唐十二和樂遼初用之

豫和祀天神

順和祭地祇

永和享宗廟

肅和登歌奠玉帛

雍和入俎接神

壽和酌獻飲神

大和節升降

舒和節出入

昭和舉酒

休和以飯

正和皇后受冊以行

承和太子以行

遼十二安樂初梁改唐十二和樂為九慶樂後唐建唐宗

廟仍用十二和樂晉改為十二同樂遼雜禮天子出入

奏隆安太子行奏貞安則是遼嘗改樂名矣餘十安樂

名鉄

遼雅樂歌辭文闕不具八音器數大抵因唐之舊

八音

金 鑄鐘

石 球磬

絲 琴瑟

竹 簫簫笛

匏 笙竽

土 埙

革 鼓鼗

木 祝敔

十二律用周黍尺九寸管空徑三分為平道宗太康中詔行秬黍所定升斗甬定律矣其法大抵用古律焉

大樂

自漢以來因秦楚之聲置樂府至隋高祖詔求知音者鄭

譯得西域蘇祇婆七旦之聲求合七音八十四調之說曰是雅俗之樂皆此聲矣用之朝廷別於雅樂者謂之大樂  
晉高祖使馮道劉煦州應天太后太宗皇帝其聲器工官與法駕同歸於遼

聖宗太平元年冊承天皇太后童子弟子隊樂引太后輦

至金鑾門

天祚皇帝天慶元年上壽儀

皇帝出東閣鳴鞭樂作 簾捲扇開樂止

太尉執臺分班太樂令舉麾樂作 皇帝飲酒訖樂止

應坐臣僚東西外殿太樂令引堂上樂升大臣執臺太

樂令奏舉觴登歌作 飲訖樂止

行臣僚酒遍太樂令奏巡周舉麾樂作 飲訖樂止

太常卿進御食太官令奏食遍樂作 文舞入三變引出樂止

次進酒行臣僚酒舉觴巡周樂作 飲訖樂止

次進食食遍樂作 武舞入三變引出樂止

扇合簾下鳴鞭樂作 皇帝入西階樂止

大樂器本唐太宗七德九功之樂武后毀唐宗廟七德九功樂舞遂亡自後宗廟用隋文武二舞朝廷用高宗景雲樂代之元會第一奏景雲樂舞杜佑通典已稱諸樂並亡

唯景雲樂舞僅存唐末五代版蕩之餘在者希矣遼國大樂曹代所傳雜禮雖見坐部樂工左右各一百二人蓋亦以景雲遺工充坐部其坐立部樂自唐已亡可考者唯景雲四部樂舞而已

玉磬

方響

揚箏

筑

卧篳篥

大篳篥

小笙篪

大琵琶

小琵琶

大五絃

小五絃

吹葉

大笙

小笙

簫

簫

銅鈸

長笛

尺八笛

短笛

毛負鼓

連鼓

具

以上皆一

以上皆二人餘每器工一人

歌二人

舞二十人分四部

景雲舞八人

慶雲樂舞四人

破陣樂舞四人

承天樂舞四人

大樂調雅樂有七音大樂亦有七聲謂之七旦一曰婆陁  
力平聲二曰雞識長聲三曰沙識質直聲四曰沙侯加澄  
聲五曰沙臘皆應聲六曰般贍五聲七曰俟利篔斛先聲  
自隋以來樂府取其聲四旦二十八調為大樂  
婆陁力旦

正宮

高宮

中呂宮

道調宮

南呂宮

仙呂宮

黃鍾宮

雞識旦

越調

大食調

高大食調

雙調

小食調

歇指調

林鐘商調

沙識旦

大食角

高大食角

雙角

小食角

歇指角

林鐘角

越角

沙俠加濫旦

中呂調

正平調

高平調

仙呂調

黃鐘調

般涉調

高般涉調

右四旦二十八調不用黍律以琵琶絃叶之皆從濁至清迭更其聲下益濁上益清七七四十九調餘二十一調失其傳蓋出九部樂之龜茲部云

大樂聲各調之中度曲協音其聲凡十曰五凡工尺上一四六勾合近十二雅律於律呂各闕其一猶雅音之不及

散樂

般人作靡靡之樂其聲往而不反流為鄭衛之聲秦漢之間秦楚聲作鄭衛浸亡漢武帝以李延年典樂府稍用西

涼之聲今之散樂俳優歌舞雜進往往漢樂府之遺聲晉天福三年遣劉煦以伶官來歸遼有散樂蓋由此矣

遼冊皇后儀

呈百戲角抵戲馬以為樂

皇帝生辰樂次

酒一行 鬲篥起歌

酒二行 歌手伎入

酒三行 琵琶獨彈

餅茶致語

食入雜劇進

酒四行

闕

酒五行

笙獨吹鼓笛進

酒六行

箏獨彈築毬

酒七行

歌曲破角觥

曲宴宋國使樂次

酒一行

鬲簋起歌

酒二行

歌

酒三行

歌手伎入

酒四行

琵琶獨彈

餅茶致語

食入雜劇進

酒五行

闕

酒六行

笙獨吹合法曲

酒七行

箏獨彈

酒八行

歌擊架樂

酒九行

歌角觥

散樂以三音該三才之義四聲調四時之氣應十二管之數截竹為四竽之笛以叶音聲而被之絃歌三音天音揚

地音抑人音中皆有聲無文四時春聲曰平夏聲曰上秋  
聲曰去冬聲曰入

散樂器屬篳蕭笛笙琵琶五絃篴篥箏方響杖鼓第二鼓  
第三鼓腰鼓大鼓鞞拍板

雜戲自齊景公用倡優侏儒至漢武帝設魚龍曼延之戲  
後漢有繩舞自刺之伎杜佑以爲多幻術皆出西域哇俚  
不經故不具述

鼓吹樂

鼓吹樂一曰短簫饒歌樂自漢有之謂之軍樂遼雜禮朝  
會設熊羆十二案法駕有前後部鼓吹百官鹵簿皆有鼓

鼓樂

前部

鼓吹令二人

柶鼓十二

金鉦十二

大鼓百二十

長鳴百二十

饒十二

鼓十二

歌二十四

管二十四

簫二十四

笳二十四

後部

大角百二十

鼓吹丞二人

羽葆十二

鼓十二

管二十四

簫二十四

鐃十二

鼓十二

簫二十四

笳二十四

右前後鼓吹行則導駕奏之朝會則列仗設而不奏

橫吹樂

橫吹亦軍樂與鼓吹分部而同用皆屬鼓吹令

前部

大橫吹百二十

節鼓二

笛二十四

簫篋二十四

笙二十四

桃皮簫篋二十四

柷鼓十二

金鈺十二

小鼓百二十

中鳴百二十

羽葆十二

鼓十二

管二十四

簫二十四

笙二十四

後部

小橫吹百二十四

笛二十四

簫二十四

簫篋二十四

桃皮簫篋二十四

百官鼓吹橫吹樂自四品以上名有增損見儀衛志自周

遼志二十三  
卷之二十三  
七十一  
范通

衰先王之樂寢以亡缺周南變為秦風始皇有天下鄭衛  
秦燕趙楚之聲迭進而雅聲亡矣漢唐之盛文事多西音  
是為大樂散樂武事皆北音是為鼓吹橫吹樂雅樂在者  
其器雅其音亦西云

志第二十四

遼史五十五

通志儀衛三上柱國總管國軍事中書右丞相暨修國史領經筵事都總裁臣 脫脫奉

勅修

儀衛志一

遼太祖奮自朔方太宗繼志述事以成其業於是舉渤海  
立敬瑭破重貴盡致周秦兩漢隋唐文物之遺餘而居有  
之路車法物以隆等威金符玉璽以布號令是以傳至九  
葉二百餘年豈獨以兵革之利士馬之強哉文謂之儀武  
謂之衛足以成一代之規摹矣考遼所有輿服符璽儀仗  
作儀衛志

輿服

自黃帝而降輿服之制其來遠矣禹乘四載作小車商人得桑根之瑞爲大輅周人加金玉象飾益備秦取六國儀物而分別其用先王之制置而弗御至漢中葉銳意稽古然禮文之事名存實亡蓋得十一於千百焉唐之車輅因周隋遺法損益可知而祭服皆青朝服皆絳常服用宇文制以紫緋綠碧分品秩五代頗以常服代朝服遼國自太宗入晉之後皇帝與南班漢官用漢服太后與北班契丹臣僚用國服其漢服即五代晉之遺制也考之載籍之可徵者著輿服篇冠諸儀衛之首

國輿

契丹故俗便於鞍馬隨水草遷徙則有甕車任載有大車婦人乘馬亦有小車貴富者加之華飾禁制踈闊貴適用而已帝后加隆勢固然也輯其可知著于篇

大輿柴冊再生儀載神主見之

輿臘儀見皇帝皇后升輿降輿

總纛車駕以御馳祭山儀見皇太后升總纛車

車納后儀見皇后就車

青幘車二螭頭蓋部皆飾以銀駕用馳公主下嫁以賜古者王姬下嫁車服不繫其夫下王后一等此其

遺意歟

送終車車樓純飾以錦螭頭以銀下懸鐸後垂大氈駕以牛上載羊一謂之祭羊以擬送終之用亦賜公主

椅冊皇太后儀皇帝乘椅自便殿舉至西便門

鞍馬祭山儀皇帝乘馬侍皇太后行臘儀皇帝降輿祭東畢乘馬入獵圍瑟瑟儀俱乘馬東行群臣在南命婦在北

漢輿

漢宣帝會同元年晉使馮道劉昫等備車輅法物上皇太后尊號冊禮自此天子車服昉見於遼太平中行

漢冊禮乘黃令陳車輅尚輦奉御陳輿轡盛唐輦輅盡在遼廷矣

五輅周官典輅有五輅秦亡之後漢創製

玉輅祀天祭地享宗廟朝賀納后用之青質玉飾黃屋

左纛十二鑿在衡二鈴在軾龍輈左建旂十二旒皆

畫升龍長曳地駕蒼龍金塗鑊錫輦纓十二就遼國

勘箭儀皇帝乘玉輅至內門聖宗開泰十年上升玉

輅自內三門入萬壽殿進七廟御容酒

金輅饗射祀還飲至用之赤質金飾餘如玉輅色從其

質駕赤駟

象輅行道用之黃質象飾餘如金輅駕黃駟  
革輅巡狩武事用之白質革鞅駕白駒

木輅田獵用之黑質漆飾駕黑駟

車制小於輅小事乘之

耕根車耕藉用之青質蓋三重餘如玉輅

安車一名進賢車臨幸用之金飾重輿曲壁八變在衡

紫油纁朱裏幅朱絲絡網駕赤騶朱盤華纓

四望車一名明遠車拜陵臨弔則用之金飾青油纁朱

裏通幘駕牛餘同安車

涼車赤質省方罷獵用之赤質金塗銀裝五綵龍鳳織

藤油壁緋條蓮座駕以索駝

輦用人挽本宮中所乘唐高宗始制七輦周官巾車有輦

以人組挽之太平冊禮皇帝御輦

大鳳輦赤質頂有金鳳壁畫雲氣金翅前有軾下有栒

欄絡帶皆繡雲鳳銀梯主輦八十人

大芳輦

仙游輦

小輦求壽節儀皇太后乘小輦

芳亭輦黑質幕屋緋欄皆繡雲鳳朱綠夾窻花板紅網

兩簾四竿銀飾梯主輦百廿人

大玉輦

小玉輦

逍遙輦常用之樓屋赤質金塗銀裝紅條輦官十二人  
春夏緋衫秋冬素錦服

平頭輦常行用之制如逍遙無屋冊承天太儀皇太后  
乘平頭輦

步輦聖宗統和三年駐蹕土河乘步輦聽政

羊車古輦車赤質兩壁龜文鳳翅緋幃絡帶門簾皆繡  
瑞羊畫輪駕以牛隋易果下馬童子十八人服繡瑞  
羊輓之

輿以人肩之天子用鞞絡臂絡

腰輿前後長竿各二金銀螭頭緋繡鳳欄上施錦褥別  
設小床奉輿十六人

小輿赤質青頂曲柄緋繡絡帶制如鳳輦而小上有御  
座奉輿二十四人

皇太子車輅

金輅從祀身正冬大朝納妃用之冊皇太子儀乘黃令  
陳金輅皇太子升降金輅

輅車五日常朝享宮臣出入行道用之金飾紫幃朱裏  
駕一馬

四均車帛臨用之金飾紫油纁通幟駕一馬

志第二十四

志第二十五

遼史五十六

開府儀同三司柱國錄軍國重事口書君丞柱監修國史領經筵事都總裁臣脫脫奉

勅修

儀衛志二

國服

上古之人網罟禽獸食肉衣皮以麀鹿韋掩前後謂之鞞  
然後夏葛冬裘之製興焉周公陳王業七月之詩至於一  
日于貉三月條桑八月載績公私之用由是出矣契丹轉  
居薦草之間去邃古之風猶未遠也太祖仲父述瀾以遙  
輦氏于越之官占居潢河沃壤始置城邑為樹藝桑麻組

織之教有遼王業之隆其亦肇迹於此乎太祖帝北方太宗制中國紫銀之鼠羅綺之筐檣載而至織麗與毛毳被土網木於是定衣冠之制北班國制南班漢制各從其便焉詳國服以著厥始云

祭服遼國以祭山爲大禮服飾尤盛

大祀皇帝服金文金冠白綾袍紅帶縣魚三山紅垂飾犀玉刀錯絡縫烏鞞

小祀皇帝硬帽紅克絲龜文袍皇后戴紅帕服絡縫紅袍縣玉佩雙同心帕絡縫烏鞞

臣僚命婦服飾各從本部旗幟之色

朝服太祖丙寅歲即皇帝位朝服衷甲以備非常其後行瑟瑟禮大射柳即此服聖宗統和元年冊承天皇帝太后給三品以上用漢法服三品以下用大射柳之服

皇帝服實里薛袞冠絡縫紅袍垂飾犀玉帶錯絡縫鞞謂之國服衮冕太宗更以錦袍金帶

臣僚戴氈冠金花爲飾或加珠玉翠毛額後垂金花織成夾帶中貯髮一總或紗冠制如烏紗帽無簷不擲雙耳額前綴金花上結紫帶末綴珠服紫窄袍繫鞞鞞帶以黃紅色條裏革爲之用金玉水晶靛石綴飾謂之般紫太宗更以錦袍金帶會昌元年群臣高年

有爵秩者皆賜之

公服請之展裹著紫興宗重熙二十二年詔八房族巾幘  
道宗清寧元年詔非勳戚之後及夷離董副使并承應有  
職事人不帶巾

皇帝紫皂幅巾紫窄袍玉束帶或衣紅襖臣僚亦幅巾  
紫衣

常服

宰相中謝儀帝常服高麗使入見儀臣僚便衣謂之盤  
裹綠花窄袍綠中單多紅綠色貴者披貂裘以紫黑  
色爲貴青次之又有銀鼠充潔白賤者貂毛羊鼠沙

狐裘

田獵服

皇帝幅巾擐甲戎裝以貂鼠或鵝項鴨頭爲扞腰蕃漢  
諸司使以上並戎裝衣皆左衽黑綠色

弔服太祖叛弟刺哥等降素服受之

素服乘赭白馬

漢服

黃帝始制冕冠章服後王以祀以祭以享唐收殷俾周弁  
以朝冠端以居所以別尊卑辨儀物也厥後唐以冕冠青  
衣爲祭服通天絳袍爲朝服平巾幘袍襪爲常服大同元

遼志二十一  
年正月朔太宗皇帝入晉備法駕受文武百官賀于汴京  
崇元殿自是日以為常是年北歸唐晉文物遼則用之左  
右采訂撫其常用者存諸篇

祭服終遼之世郊丘不建大裘冕服不書

衮冕祭祀宗廟遣上將出征飲至踐阼加元服納后若  
元日受朝則服之金飾垂白珠十二旒以組為纓色  
如其綬鞋纒充耳玉簪導玄衣纁裳十二章八章在  
衣日月星龍華蟲火山宗彝四章在裳藻粉米黼黻  
衣襟領為升龍織成文各為六等龍山以下每章一  
行行十二白紗中單黼領青襟裾蔽革帶大帶劔

佩綬馬加金飾元日朝會儀皇帝服衮冕

朝服乾亨五年聖宗冊承天太后給三品以上法服雜禮  
冊承天太后儀侍中就席解劔脫履重熙五年尊號冊禮  
皇帝服龍衮北南臣僚並朝服蓋遼制會同中太后北面  
臣僚國服皇帝南面臣僚漢服乾亨以後大禮雖北面三  
品以上亦用漢服重熙以後大禮並漢服矣常朝仍遵會  
同之制

皇帝通天冠諸祭還及冬至朔日受朝臨軒拜下公元  
會冬會服之冠加金博山附蟬十二首施珠翠黑介  
幘髮纓翠綫玉若犀簪導絳紗袍白紗中單襟領宋

襪裾白裙襦絳蔽膝白假帶方心曲領其革帶佩劍  
綬鞮烏若未加元服則雙童髻空頂黑介幘雙玉導  
加寶飾元日上壽儀皇帝服通天冠絳紗袍

皇太子遠遊冠謁廟還宮元日冬至朔日入朝服之三  
梁冠加金附蟬九首施珠翠黑介幘髮纓翠綾犀簪  
導絳紗袍白紗中單皂領標襪裾白裙襦白假帶方  
心曲領絳紗蔽膝其革帶劍佩綬鞮烏與上同後改  
用白鞮黑烏未冠則雙童髻空頂黑介幘雙玉導加  
寶飾冊皇太子儀皇太子冠遠遊服絳紗袍

親王遠遊冠陪祭朝饗拜表大事服之冠三梁加金附

蟬黑介幘青綾導絳紗單衣白紗巾單皂領襪裾白  
裙襦革帶鈎鈒假帶曲領方心絳紗蔽膝鞮烏劍佩  
綬二品以上同

諸王遠遊冠三梁黑介幘青綾

三品以上進賢冠三梁寶飾

五品以上進賢冠二梁金飾

九品以上進賢冠一梁無飾

七品以上去劍佩綬

八品以下同公服

公服勅箭儀閣使公服繫履遼國嘗用公服矣

皇帝翼善冠朔視朝用之柘黃袍九環帶白練裙襦六合鞞

皇太子遠遊冠五日常朝元日冬至受朝服絳紗單衣白裙襦革帶金鈎鞞假帶方心紛鞞囊白鞞烏皮履一品以下五品以上冠幘纓簪導謁見東宮及餘公事服之絳紗單衣白裙襦帶鈎鞞假帶方心鞞履紛鞞囊

六品以下冠幘纓簪導去紛鞞囊餘並同

常服遼國謂之穿執起居禮臣僚穿執言穿鞞執飾也

皇帝柘黃袍衫折上頭中九環帶六合鞞起自宇文氏

唐太宗貞觀已後非元日冬至受朝及大祭祀皆常服而已

皇太子進德冠九琪金飾絳紗單衣白裙襦白鞞烏皮履

五品以上幘頭亦曰折上巾紫衾牙笏金玉帶文官佩手巾篲袋刀子礪石金魚袋武官鞞七事佩刀刀子礪石契苾真噦鞞計筒火石袋烏皮六合鞞

六品以下幘頭緋衣木笏銀帶銀魚袋佩鞞同

八品九品幘頭綠袍鍤石帶鞞同

志第二十五卷

志第二十六

遼史五十七

開府儀同三司柱國錄軍國重事書省丞相監修國史領經筵事都總裁歸院奉  
勅修

儀衛志三

符印

遼輦氏之世受印于回鶻至耶瀾可汗請印於唐武宗始  
賜奉國契丹印太祖神冊元年梁幽州刺史來歸詔賜印  
綬是時太祖受位遼輦十年矣會同九年太宗伐晉末帝  
表上傳國寶一金印三天子符瑞於是歸遼

傳國寶秦始皇作用藍玉螭紐六面其正面文受命于天

通志三十一  
既壽永昌魚鳥篆子嬰以上漢高祖王莽篡漢平皇后  
投璽殿階螭角微玷獻帝失之孫堅得于井中傳至孫  
權以歸于魏魏文帝隸刻有際曰大魏受漢傳國之寶  
唐更名受命寶晉上歸遼自三國以來僭偽諸國往往  
模擬私製歷代府庫所藏不一莫辨真偽聖宗開泰十  
年馳驛取石晉所上玉璽于中京興宗重熙七年以有  
傳國寶者為正統賦試進士天祚保大二年遺傳國璽  
于桑乾河

玉印太宗破晉北歸得于汴宮藏隨駕庫穆宗應曆二年  
詔用太宗舊璽

御前寶金鑄文曰御前之寶以印臣僚宣命  
詔書寶文曰書詔之寶凡書詔批荅用之

契丹寶受契丹冊儀符寶郎捧寶置御坐東

金印三晉帝所上其文未詳

皇太后寶制未詳天顯二年應天皇后稱制群臣上璽綬  
冊承天皇太后儀符寶郎奉寶置皇太后坐右

皇后印文曰皇后教印

皇太子寶未詳其制重熙九年冊皇太子儀中書令授皇  
太子寶

印

吏部印文曰吏部之印銀鑄以印文官制誥  
兵部印文曰兵部之印銀鑄印軍職制誥

契丹樞密院契丹諸行軍部署漢人樞密院中書省漢人  
諸行宮都部署印並銀鑄文不過六字以上以銀朱為  
色

南北王以下內外百司印並銅鑄以黃丹為色諸稅務以  
赤石為色

鈔窠印鈔窠鷲鳥之總名以為印紐取疾速之義行軍詔  
賜將帥用之道宗賜耶律仁先鷹鳥紐印即此

符契

自大賀氏八部用兵則合契而動不過刻木為牌合太祖  
受命易以金魚

金魚符七枚黃金鑄長六寸各有字號每魚左右判合之  
有事以左半先授守將使者執右半大小長短字號合  
同然後發兵事訖歸于內府

銀牌二百面長尺刻以國字文曰宜速又曰勅走馬牌國  
有重事皇帝以牌親授使者手割給驛馬若干驛馬關  
取它馬代法晝夜馳七百里其次五百里所至如天子  
親臨須索更易無敢違者使回皇帝親受之手封牌印  
郎君收掌

木契正面爲陽背面爲陰閣門喚仗則用之朝賀之禮宣  
徽使請陽面木契下殿至于殿門以契授西上閣門使  
云授契行勘勘契官聲喏跪受契舉手勘契同俛興鞠  
躬奏內外勘契同閣門使云准勅勘契行勘勘契官執  
陰面木契聲喏平身立少退近後引聲云軍將門仗官  
齊聲喏勘契官云內出喚仗木契一隻准勅付左右金  
吾仗行勘勘契官云合不合門仗官云合凡再勘契官  
云同不同門仗官云同亦再勘契官近前鞠躬奏勘官  
左金吾引駕仗勾畫都知某官某對御勘同平身少退  
近後右手舉契云其契謹付閣門使進入閣門使引聲  
喏門仗官下聲喏勘契官跪以契授閣門使上殿納契  
宣徽使受契閣門使下殿奉勅喚仗

木箭內箭爲雄外箭爲雌皇帝行幸則用之還宮勘箭官  
執雌箭東上閣門使執雄箭如勘契之儀詳具禮儀志

志第

志第二十七

遼五十八

開禧書言遼國書事書卷  
穆國史領經筵事都總裁臣聯脫奉

勅修

儀衛志四

帝王處則重門擊柝出則以武為營衛勞人動衆豈得已哉天下大患生於大欲不以不遠慮深防耳智英勇傑魁臣雄藩於是乎在寓武備於文物之中此儀仗所由設也金吾黃麾六軍之仗遼受之於晉受之後唐後唐受之於梁唐其來也有自耶律儼陳入任舊志有未備者兼考之遼朝雜禮云

國仗

王通氏言舜歲徧四岳民不二勞營衛省徵求寡耳遼太祖匹馬一麾斥地萬里經營四方未嘗寧居所至樂從用此道也太宗燕制中國秦皇漢武之儀文日至後嗣因之旌頭豹尾馳驅五京之間終威勦動輒迹相尋民勞財匱此故之以歟遼自大賀氏摩一受唐鼓燾之賜是為國仗其制甚簡太宗伐唐晉以前一用皆是物也著于篇首以見艱難創業之主豈必厚衛其身云

十二神燾

十二旗

十二鼓

曲柄華蓋

直柄華蓋

遙輦末主遺制迎十二神燾一天子旗鼓置太祖帳前諸弟刺哥等叛勻德實縱火焚行一皇后命曷古魯救之止得天子旗鼓太宗即位置旗鼓一燾于殿前聖宗以輕車儀衛拜帝山

渤海仗

天顯四年太宗幸遼陽府合一主備乘輿羽衛以迎乾亨五年聖宗東巡東京留守具儀衛迎車駕此故渤海儀衛

也

漢仗

大賀失活入朝于唐娑固兄不繼之尚主封王既觀上國  
開元東封邵固扈從又覽太宗之盛自是朝貢歲至于唐  
遼始祖涅里立遥輦氏世為國相目見耳聞歎企帝王之  
容輝有年矣遥輦致鼓鼙於太祖帳前曾何足以副其雄  
心霸氣之所睥睨哉厥後交盜迭聘唐不憚勞勤至於太宗  
立晉以要冊禮入汴而收法物然後累世之所願欲者一  
舉而得之太原擅命力非不敵滌卷法物先致中京躡棄  
山河不少顧慮志可知矣於是秦漢以來帝王文物盡入

于遼周宋按圖更制表乃非故物遼之所重此其大端故特  
著焉

太宗會同元年晉使馮道備車輅法物上皇太后冊禮劉  
煦盧重備禮上皇帝尊號

三年上在薊州觀道守駕儀衛圖遂備法駕幸燕御元和殿  
行入閣禮

六年備法駕幸燕迎導御元和殿

大同元年正月朔備法駕至汴上御崇元殿受文武百僚  
朝賀自是日以為常

二月朔上御崇元殿備禮受朝賀

三月將幸中京鎮陽詔收鹵簿法物委所司押領先往未幾鎮陽入漢鹵簿法物隨世宗歸于上京

四月皇太弟李胡遣使問軍事上報曰朝會起居如禮是月太宗崩世宗即位鹵簿法物備而不御

穆宗應曆元年詔朝會依嗣聖皇帝故事用漢禮

景宗乾亨五年二月神樞升輜輶車具鹵簿儀衛

六月聖宗至上京留守具法駕迎導

聖宗統和元年車駕還上京迎導儀衛如式

三年駕幸上京留守具儀衛奉迎

四年燕京留守具儀衛導駕入京上御元和殿百僚朝賀

是後儀衛常事史不復書

鹵簿儀仗人數馬匹

步行擎執二千四百一十二人坐馬擎執二百七十五人

坐馬樂人二百七十三人步行教坊人七十一人御馬牽

攏官五十二人御馬二十六匹官僚馬牽攏官六十六人

坐馬挂甲人五百九十八人步行挂甲人百六十人金甲

二人神輿十二人長壽仙一人諸職官等三百五人內侍

一人引稍押衙二人赤縣令一人府牧一人府吏二人少

尹一人司錄一人功曹一人六常少卿一人太常丞一人

太常博士一人司徒一人太僕卿一人鴻臚卿一人大理

卿一人御史大夫一人侍御史二人殿中侍御史二人監  
察御史一人兵部尚書一人兵部侍郎一人兵部郎中一  
人兵部員外郎一人符寶郎一人左右諸衛將軍三十五  
人左右諸折衝二十一人左右諸果毅二十八人尚乘奉  
御二人排仗承直二人左右夾騎二人都頭六人主師一  
十四人教坊押纛二人左右金吾四人虞候攸飛一十六人  
鼓吹令二人漏刻生二人押當官一人司天監一人令史  
一人司辰一人統軍六人千牛備身二人左右親勳二人  
左右郎將四人左右拾遺二人左右補闕二人起居舍人  
一人左右諫議大夫二人給事中書舍人二人左右散騎

常侍二人門下侍郎二人中書侍郎二人鳴鞭二人內侍

中一人中書令一人監門校尉二人排列官二人武衛隊  
正一人隨駕諸司供奉官三十人三班供奉官六十人通  
事舍人四人御史中丞二人乘黃丞二人都尉一人太僕  
卿一人步行太卜令一人職官乘馬三百四匹進馬四匹  
駕車馬二十八匹人之數凡四千二百三十有九馬之數  
凡千五百二十得諸

本朝太常卿徐世隆家藏遼朝雜禮者如是至於儀注之  
詳不敢傳會云

遼志第二十七

志第二十八

遼史五十九

開府儀同三司上柱國錄軍國軍事中書右丞相監修國史領經事都總裁臣脫脫奉

勅修

食貨志上

契丹舊俗其富以馬其疆以兵縱馬於野弛兵於民有事而戰曠騎介夫卯命辰集馬逐水草人仰漣酪挽強射生以給日用糗糧芻藁道在是矣以是制勝所向無前及其有國內建宗廟朝廷外置郡縣牧守制度日增經費日廣上下相師服御浸盛而食貨之用斯為急矣於是五京及長春遼西平州置鹽鐵轉運度支錢帛諸司以掌出納其

制數差等雖不可悉而大要散見舊史若農穀租賦鹽鐵  
貿易坑冶泉幣群牧遂類採撫緝而為篇以存一代食貨  
之畧初皇祖白德實為大迭烈府夷離堇喜稼穡善畜牧  
相地利以教民耕仲父述瀾為干越飭國人樹桑麻習組  
織太祖平諸弟之亂弭兵輕賦專意於農嘗以戶口滋繁  
糶轉踈遠分北大濃兀為二部程以樹藝諸部效之太宗  
會同初將東獵三剋奏減輜重疾趨北山取物以備國用  
無害農務尋詔有司勸農桑教紡績以烏古之地水草豐  
美命甌昆石烈居之益以海勒水之善地為農田三年詔  
以諧里河臚朐河近地賜南院歐董突呂乙斯勃北院温  
納河刺三石烈人以事耕種八年駐蹕赤山宴從臣門軍  
國要務左右對曰軍國之務愛民為本民富則兵足兵足  
則國彊上深然之是年詔徵諸道兵仍戒敢有傷禾稼者  
以軍法論應曆間雲州進嘉禾時謂重農所召保寧七年  
漢有宋兵使來乞糧詔賜粟二十萬糾助之非經費有餘  
其能若是聖宗乾亨五年詔曰五稼不登開帑而代民稅  
螟蝗為災罷徭役以恤饑貧帝常過藁城見乙室奧隗部  
下婦人迪輦等忝過熟未獲遣人助刈太師韓德讓言兵  
後逋民棄業禾稼棲畝募人獲之以半拾獲者政事令室  
昉亦言山西諸州給軍興民力凋田穀多躡於邊兵請

復今年租六年霜旱災民饑詔三司舊以稅錢折粟估價不實其增以利民又徙吉避寨居民三百戶于檀順薊三州擇沃壤給牛種穀十三年詔諸道置義倉歲秋社民隨所獲戶出粟庾倉社司籍其目歲儉發以振民統和十五年詔免南京舊欠義倉粟仍禁諸軍官非時畋牧妨農開泰元年詔曰朕惟百姓搖役煩重則多給工價年穀不登發倉以貸田園蕪廢者則給牛種以助之太平初幸燕燕民以年豐進士產珍異上禮高年惠鰥寡賜酺連日九年燕地饑戶部副使王嘉請造船募習海漕者移遼東粟餉燕議者稱道險不便而寢興宗即位遣使閱諸道禾稼是

年通括戶口詔曰朕於早歲習知稼穡力辦者廣務耕罕聞輸納家食者全馬種植多至流亡宜通檢括普使平禁諸職官不得擅造酒糜穀有婚祭者有司給文始聽道宗初年西北兩穀三十里春州斗粟六錢時西蕃多叛上欲為守禦計命耶律唐古督耕稼以給西軍唐古率眾回疆胸河側歲登上熟移屯鎮州凡十四稔積粟數十萬斛每斗不過數錢以馬人望前為南京度支判官公私兼裕檢括戶口用法平恕乃遷中京度支使視事半歲積粟十五萬斛權左散騎常侍遼之農穀至是為盛而東京如咸信蘇復辰海同銀烏遂春泰等五十餘城內公遣諸

州各有和糴倉依祖宗法出陳易新許民自願假貸收息  
二分所在無慮二三十萬碩雖累兵興未嘗用之迨天慶  
間金兵大入盡爲所有會天祚播遷耶律敵烈等逼立梁  
王雅里令群牧人戶運鹽灤倉粟人戶侵耗議籍其產以  
償雅里自定其直粟一車一羊三車一牛五車一馬八車  
一駝從者曰今一羊易粟二斗尚不可得此直太輕雅里  
曰民有則我有若今盡償衆何以堪事雖無及然使天未  
絕遼斯言亦足以收人心矣夫賦稅之制自太祖任韓延  
徽始制國用太宗籍五京戶丁以定賦稅戶丁之數無所  
於考聖宗乾亨間以上京云爲戶嘗具實饒善避繇役  
貧民遂勒各戶凡子錢到本悉送歸官與民均差統和  
中耶律昭言西北之衆每歲農時一夫偵候一夫治公田  
二夫給糶官之役當時沿邊各置屯田戍兵易種積穀以  
給軍饗故太平七年詔諸屯田在官斛粟不得擅貸在屯  
者力耕公田不輸稅賦此公田制也餘民應募或治閑田  
或治私田則計畝出粟以賦公上十五年募民耕灤河曠  
地十年始租此在官閑田制也又詔山前後未納稅戶並  
於密雲燕樂兩縣占田置業入稅此私田制也各部大臣  
從上征伐俘掠人戶自置郭郭爲頭下軍州凡市井之賦  
各歸頭下惟酒稅赴納上京此分頭下軍州賦爲二等出

先是遼東新附地不榷酤而鹽麩之禁亦弛馮延休韓紹  
勳相繼商利欲與燕地平山例加繩約其民病之遂起大  
延琳之亂連年詔復其租民始安靖南京歲納三司鹽鐵  
錢折絹大同歲納三司稅錢折粟開遠軍故事民歲輸稅  
斗粟折五錢耶律抹只守郡表請折六錢亦皆利民善政  
也

志第二十八卷

志第二十九

遼史六十

開府儀同三司樞密副使書右丞和魯穆國史領經筵事都總裁臣脫脫奉

勅修

食貨志下

征商之法則自太祖置羊城于炭山北起榷務以通諸道  
市易太宗得燕置南京城北有市百物山徙命有司治其  
征餘四京及它州縣貨產懋遷之地置亦如之東平郡城  
中置看樓分南北市禺中交易市北午漏下交易市南雄  
州高昌渤海亦立互市以通南宋西北諸部高麗之貨故  
女直以金帛布蜜蠟諸藥材及鐵器鞋鞞于厥等部以蛤

珠青鼠貂鼠膠魚之皮牛羊駝馬毳罽等物來易於遼者  
道路雖屬聖宗乾亨間燕京留守司言民艱食請弛居庸  
關稅以通山西糴易又令有司諭諸行宮布帛短狹不中  
尺度者不粥於市明年詔以南北府市場人少宜率當部  
車百乘赴集開奇峰路以通易州貿易二十三年振武軍  
及保州並置權場時北院大王耶律室魯以俸羊多闕部  
人貧乏請以羸老之羊及皮毛易南中之絹上下為便至  
天祚之亂賦斂既重交易法壞財日匱而民日困矣鹽筴  
之法則自太祖以所得漢民數多即八部中分古漢城別  
為一部治之城在炭山南有鹽池之利即後魏滑鹽縣也  
八部皆取食之及征幽薊還次于鶴刺無命取鹽給軍自  
後樂中鹽益多上下足用會同初太宗有大造於晉晉獻  
十六州地而瀛莫在焉始得河間煮海之利置權鹽院於  
香河縣於是燕雲迤北暫命滄鹽一時產鹽之地如渤海  
鎮城海陽豐州陽洛城廣瀋湖等處今京計司各以其地  
領之其煎取之制歲出之額不可得而詳矣坑冶則自太  
祖始併室韋其地產銅鐵金銀其人善作銅鐵器又有烏  
木部者多鐵烏木國語鐵也部置三冶曰柳濕河曰三點  
古斯曰手山神冊初並渤海得廣州本渤海鐵利府改曰  
鐵利州地亦多鐵東平縣本漢襄平縣故地產鐵卅置採

煉者三百戶隨賦供納以諸坑冶多在國東故東京置戶部司長春州置錢帛司太祖征幽薊師還次山麓得銀鐵卅命置冶聖宗太平間於潢河北陰山及遼河之源各得金銀卅興冶採煉自此以訖天祚國家皆賴其利鼓鑄之法先代撒刺的爲夷莠董以土產多銅始造錢幣太祖其子襲而用之遂致富彊以開帝業太宗置五冶太師以總四方錢鐵石敬瑭又獻沿邊所積錢以備軍實景宗以舊錢不足於用始鑄乾亨新錢錢用流布聖宗鑿大安山取劉守光所藏錢散諸五計司兼鑄太平錢新舊互用由是國家之錢演迤域中所以統和出內藏錢賜南京諸軍司

開泰中詔諸道八員之百姓有典質男女計備價日以十文折盡還父母每歲春秋以官錢宴饗將士錢不勝多故東京所鑄至清寧中始用是時詔禁諸路不得貨銅鐵以防私鑄又禁銅鐵賣入回鶻法益嚴矣道宗之出錢有四等曰咸雍曰大康曰大安曰壽隆皆因改元易名其肉好銖數亦無所考第詔楊遵勛徵戶部司庫亡舊錢得四十餘萬繼拜樞密直學士劉仲爲戶部使歲入羨餘錢三十萬繼擢南院樞密使其以災沴出錢以振貧乏及諸宮分邊戍人肩是時雖未有貫朽不可較之積亦可謂富矣至其末年經費浩穰鼓鑄仍舊國用不給雖以海雲佛寺千萬

之助受而不拒尋禁民錢不得出境天祚之世更鑄乾統  
天慶二等新錢而上下窮困府庫無餘積始太祖為迭烈  
府夷萬望也徵遼葦民單弱於是撫諸部明賞罰不妄征  
討因民之利而利之群牧蓄息上下給足及即位伐河東  
下代北郡縣獲牛羊駝馬十餘萬樞密使耶律糾軫討女  
直復獲馬二十餘萬分牧水草便地數歲所增不勝筭當  
時括富人馬不加多賜大小鶻軍萬餘疋不加少蓋蓄牧  
有法然也咸雍五年蕭陶隗為馬群太保上書猶言群牧  
各存實亡上下相欺宜括實數以為定籍廢後東丹國歲  
貢千疋女直萬疋直不古等國萬疋阻卜及吾獨娣惕隱  
各二萬疋西夏室韋各三百疋越里篤剖阿里奧里米  
奴里鐵驪等諸部三百疋仍禁朔州路羊馬入宋吐渾崇  
項馬鬻于夏以故群牧滋繁數至百有餘萬諸司牧官以  
次進階自太祖及興宗垂二百年群牧之盛如一日天祚  
初年馬猶有數萬群每群一二十千疋祖宗舊制常選南征  
馬數萬疋牧于維爾間以備燕雲緩急復選數萬給  
四時遊畋餘則分地以牧法至善也至末年累與金戰畜  
漢戰馬損十六七雖增價數倍竟無所買乃冒法買官馬  
從軍諸群牧私賣日多收獵亦不足用遂為金所敗棄衆  
播遷以訖于大漠以此蓄馬皆為大石林牙所有遼之

食貨其可見者如是耳至於鄰國歲幣諸屬國歲貢土宜  
雖累朝軍國經費多所仰給然非本國所出況名數已見  
本紀茲不復載夫輿北宜馬海濱宜鹽無以議為遼以干  
沙磧三時多寒春秋耕穫及其時黍稌高下因其地蓋不  
得與中土同矣然而遼自初年農穀充羨振饑恤難用不  
少靳旁及鄰國沛然有餘果何道而致其利歟此無他勸  
課得人規措有法故也世之論錢幣者恒患其重滯之難  
致鼓鑄之弗給也於是楮幣權宜之法興焉西北之通舟  
楫比之東南十纒一二遠之方盛貨泉流行國用以穀給  
盛貨征賜與德萬未聞有所謂楮幣也又何道而致其便  
歟此無他舊儲新鑄並聽民用故也孟子曰周于利者凶  
年不能殺人力苟至一夫猶足以勝時災況為國乎以是  
知善謀國者有道以制天時地利之宜無往而不遂其志  
食莫大於穀貨莫大於錢特志二者以表遼初用事之臣  
亦善裕其國者矣

志第二十九

志第三十

遼史六十一

開府儀同三司柱國錄事省中書省丞相修國史領經筵事都統裁臣脫脫奉

勅修

刑法志上

刑也者始於兵而終於禮者也鴻荒之代生民有兵如蠱有螫自衛而已蚩尤惟始作亂斯民鴟義姦尤並作刑之用豈能已乎帝堯清問下民乃命三后恤功于民伯夷降典折民惟刑故曰刑也者始於兵而終於禮者也先王順天地四時以建六卿秋刑官也象時之成物焉秋傳氣於夏變色於春推可知也遼以用武立國禁暴戢姦莫先於

刑國初制法有出於五服三就之外者兵之勢方張禮之用未遑也及阻午可汗知宗室雅里之賢命為夷離董以掌刑辟豈非士師之官非賢者不可為乎太祖太宗經理疆土擐甲之士歲無寧居威克厥愛理勢然也子孫相繼其法互有輕重中間能審權宜終之以禮者惟景聖三宗為優自然其制刑之凡有四曰死曰流曰徒曰杖死刑有絞斬凌遲之屬又有籍沒之法流刑量罪輕重實之邊城部族之地遠則投諸境外又遠則罰使絕域徒刑一曰終身二曰五年三曰一年半終身者決五百其次遞減百又有黥刺之法杖刑自五十至二百凡杖五十以上者以沙

袋決之又有木劍大棒鐵骨示之法木劍大棒之數三百十五至三十鐵骨示之數或五或七有重罪者將決以沙袋先于睢骨之上及四周擊之拷訊之具有籠細杖及鞭烙法籠杖之數二十細杖之數三自三十至于六十鞭烙之數凡烙三十者鞭三百烙五十者鞭五百被告諸事應伏而不服者以此訊之品官公事誤犯民年七十以上十五以下犯罪者聽以贖論贖銅之數杖一百者輸錢千亦有八議八縱之法籍沒之法始自太祖為撻馬狝沙里時奉痕德董可汗命案于越釋魯遏害事以其首惡家屬沒入瓦里及溥欽皇后時析出以為著帳郎君至世宗詔免

之其後內外戚屬及世官之家犯叛逆等罪復沒入焉餘人則沒爲著帳戶其沒入宮分分賜臣下者亦有之木劍大棒者太宗時制木劍面平背隆大臣犯重罪欲寬宥則擊之沙袋者穆宗時制其制用熟皮合縫之長六寸廣二寸柄一尺許徒刑之數詳于重熙制杖刑以下之數詳于咸雍制其餘非常用而無定式者不可殫紀太祖初年庶事草創犯罪者量輕重決之其後治諸弟並黨權宜立法親王從逆不磔諸甸人或投高崖殺之淫亂不軌者五車轆殺之逆父母者視此訕詈犯上者以熟鐵錐瘖其口殺之從坐者量罪輕重杖決杖有二大者重錢五百小者三

百又爲集礫生瘞射鬼箭砲擲支解之刑歸於重法關民使不爲變耳歲癸酉下詔曰朕自北征以來四方獄訟積滯頗多今休戰息民羣臣其副朕意詳決之無或冤枉乃命北府宰相蕭敵魯等分道疏決有遼欽恤之意叻見于此神冊六年克定諸夷上謂侍臣曰凡國家庶務鉅細各殊若憲度不明則何以爲治羣下亦何由知禁乃詔大臣定治契丹及諸夷之法漢人則斷以律令仍置鍾院以達民冤至太宗時治渤海人一依漢法餘無改焉會同四年皇族舍利郎君謀毒通事解里等已中者二人命重杖之及其妻流于斡拔高弭河族造藥者世宗天祿二年天德

蕭翰劉哥及其弟益都等謀反天德伏誅杖翰流劉哥遣  
益都使轄戛斯國夫四人之罪均而刑異遼之世同罪異  
論者蓋多穆宗應曆十二年國舅帳郎君蕭延之奴海里  
彊陵拽刺秃里年未及之女以法無文加之官刑仍付秃  
里以爲奴因著爲令十六年諭有司自先朝行幸頓次必  
高立標識以禁行者比聞楚古輩故低置其標深草中利  
人誤入因之取財自今有復然者以死論然帝嗜酒及獵  
不恤政事五坊掌獸近待奉饌掌酒人等以獐鹿野豕鶻  
雉之屬亡失傷斃及私歸逃亡在告踰期召不時至或以  
奏對少不如意或以飲食細故或因犯者遷怒無辜輒加

炮烙鐵梳之刑甚者至于無弄或以手刃刺之斬擊射燎  
斷手足爛肩股折腰脛劃口碎齒棄尸野且命築封干  
其地死者至百有餘人京師置百尺牢以處繫囚蓋其即  
位未久惑女巫肖古之言取人膽合延年藥故殺人頗衆  
後悟其詐以鳴鏑叢射騎踐殺之及海里之死爲長夜之  
飲五坊掌獸人等及左右給事誅戮者相斷不絕雖嘗悔  
其因怒濫刑諭大臣切諫在廷畏懦解能匡拯雖諫又不  
能聽當其將殺壽哥念古殿前都點檢耶律夷臘葛諫曰  
壽哥等斃所掌雉畏罪而亡法不應死帝怒斬壽哥等支  
解之命有司盡取鹿人之在繫者凡六十五人斬所犯重

者四十四人餘悉痛杖之中有欲寘死者賴王子必攝等諫得免已而怒頗德飼鹿不時致傷而斃遂殺之季年暴虐益甚嘗謂太尉化葛曰朕醉中有處決不當者醒當覆奏徒能言之竟無悛意故及於難雖云虛止褻御上不及大臣下不及百姓然刑法之制豈人主快情縱意之具邪景宗在潛已監其失及即位以宿衛失職監殿前都點檢耶律夷臘葛趙王喜隱自囚所擅去械鐐亦見自辯語之曰枉直未分焉有出獄自辯之理命復繫之既而躬錄囚徒盡召而釋之保寧三年以穆宗廢鍾院窮民有寃者無所訴故詔復之仍命鑄鍾紀詔其上道所以廢置之意吳

正稍為奴所告有司請鞫帝曰朕知其誣若案問恐餘人效之命斬以徇五年近侍實魯里誤觸神燾法應死杖而釋之庶幾寬猛相濟然緩于討賊應曆逆黨至是始獲而誅焉議者以此少之聖宗冲年嗣位睿智皇后稱制留心聽斷嘗勸帝宜寬法律帝壯益習國事銳意於治當時更定法令凡十數事多合人心其用刑又能詳慎先是契丹及漢人相毆致死其法輕重不均至是一等科之統和十二年詔契丹人犯十惡亦斷以律舊法死囚尸市三日至是一宿即聽收瘞二十四年詔主非犯謀反大逆及流死罪者其奴婢無得告首若奴婢犯罪至死聽送有司其主

無得擅殺二十九年以舊法宰相節度使世選之家子孫  
犯罪徒杖如齊民惟免黥面詔自今但犯罪當黥即准法  
同科開泰八年以竊盜賊滿十貫爲首者處死其法太重  
故增至二十五貫其首處死從者決流嘗敕諸處刑獄有  
寃不能申雪者聽詣御史臺陳訴委官覆問往時大理寺  
獄訟凡關覆奏者以翰林學士給事中政事舍人詳決至  
是始置少卿及正主之猶慮其未盡而親爲錄囚數遣使  
詣諸道審決寃滯如邢抱朴之屬所至人自以爲無寃五  
院部民有自壞鎧甲者其長佛奴杖殺之上怒其用法大  
峻詔奪官吏以故不敢酷撻刺千乃方十因醉言宮掖事  
當死特賞其罪五院部民偶遺火延及木葉山北域亦  
當死杖而釋之因著爲法至於敵八哥始竊薊州王令謙  
家財及覺以刃刺令謙幸不死有司擬以盜論止加杖罪  
又那母古犯竊盜者十有三次皆以情不可忍論棄市因  
詔自今三犯竊盜者黥額徒三年四則黥面徒五年至于五  
則處死若是者重輕適宜足以示訓近侍劉哥烏古斯嘗  
從齊王妻而逃以赦後會千齡節出首乃詔諸近侍護衛  
集視而腰斬之於是國無倖民綱紀修舉吏多奉職人重  
犯法故統和中南京及易平二州以獄空聞至開泰五年  
諸道皆獄空有刑錯之風焉故事樞密使非國家重務未

嘗親決凡獄訟惟夷離婁主之及蕭合卓蕭朴相繼爲樞  
密使專尚吏才始自聽訟時人轉相效習以狡智相高風  
俗自此衰矣故太平六年下詔曰朕以國家有契丹漢人  
故以南北二院分治之蓋欲去貪枉除煩擾也若貴賤異  
法則怨必生夫小民犯罪必不能動有司以達於朝惟內  
族外戚多恃恩行賄以圖苟免如是則法廢矣自今貴戚  
以事被告不以事之大小並令所在官司案牘具申北南  
院覆問得實以聞其不案輒申及受請託爲奏言者以本  
犯人罪罪之七年詔中外大臣曰制條中有遺闕及輕重  
失中者其條上之議增改焉

志第三十

志第三十一

遼史六十二

開府儀同三司在國軍中書兼相監修國史領經筵事都總裁民院奉

勅修

刑法志下

興宗即位欽哀皇后始得志昆弟專權馮家奴等希欽哀  
意誣蕭浞卜等謀反連及嫡后仁德皇后浞卜等十餘人  
與仁德姻接坐罪者四十餘輩皆被六辟仍籍其家出仁  
德于上京旣而遣人弑之迫殞非命中外切憤欽哀後謀  
廢立遷于慶州及奉迎以歸頗復預事其酷雪不得逞矣  
然興宗好名喜變更又溺浮屠法務行小惠數降赦宥釋

死囚廿七 重熙元年詔職事官公罪聽贖私罪各從本法  
子弟及家人受賕不知情者止坐犯人先是南京三司銷  
錢作器皿三斤持錢出南京十貫及盜遺火家物五貫者  
處死至是銅逾三斤持錢及所盜物二十貫以上處死二  
年有可奏元年詔曰犯重罪徒終身者加以撻楚而又黥  
面是犯一罪而具三刑宜免黥其職事官及宰相節度使  
世選之家子孫犯姦罪至徒者未審黥否上諭曰犯罪而  
悔過自新者亦有可用之人一黥其面終身為辱朕甚懼  
焉後犯終身徒者止刺頸奴婢犯逃若盜其主物主無得  
擅黥其面刺臂及頸者聽犯竊盜者初刺右臂再刺左三

刺頸之右四刺左至于五則處死五年新定條制成詔有  
司定朝日執之仍頒行諸道蓋纂修太祖以來法令參以  
右制其刑有死流杖及三等之徒而五凡五百四十七條  
時有羣牧人竊易官印以馬與人者法當死常曰一馬沒  
二人不亦甚乎減死論又有兄弟犯疆盜當死以弟從兄  
具俱無子特原其弟至於枉法受賕詐赦走遞偽學御書  
盜外國貢物者例皆免死郡王貼不家奴彌里吉告其主  
言涉怨望鞫之無驗當反坐以欽哀皇后裏言竟不加罪  
亦不斷付其主僅籍沒焉寧遠軍節度使蕭白彊掠烏古  
敵烈都詳穩敵魯之女為妻亦以后言免死杖而奪其官

梅里狗丹使酒殺人而逃會永壽節出首特赦其罪皇妹  
秦國公主生日帝幸其第伶人張隋本宋所遣灼者大臣  
覺之以聞召詰欵伏乃遷釋之後詔諸職官私取官物者  
以正盜論諸帳郎君等於禁地射鹿決杖三百不徵償小  
將軍決二百已下至百姓犯者決三百聖宗之風替矣道  
宗清寧元年詔諸宮都部署曰凡有機密事即可面奏餘  
所訴事以法施行有投誅訕之書其受及讀者皆棄市二  
年命諸郡長吏如諸部例與僚屬同決罪囚無致枉死獄  
中下詔曰先時諸路死刑皆待決于朝故獄訟留滯自今  
凡強盜得實者聽即決之四年復詔左夷离畢曰比詔外

路死刑聽所在官同即決然恐未能悉其情或有枉者自  
今雖已欵伏仍令附近官司覆問無寃然後決之有寃者  
即其以聞咸雍元年詔獄囚無家者給以糧六年帝以契  
丹漢人風俗不同國法不可異施於是命惕隱蘇樞密使  
乙辛等更定條制凡合于律令者具載之其不合者別存  
之時校定官即重熙舊制更竊盜贓二十五貫處死一條  
增至五十貫處死又刪其重複者二條為五百四十五條  
取律一百七十三條又創增七十一條凡七百八十九條  
增重編者至千餘條皆分類列以太康間所定復以律及  
條例參校續增三十六條其後因事續校至大安三年止

又增六十七條條納既繁典者不能備言愚民莫知所避  
犯法者衆吏得因緣為姦故五年詔曰法者所以示民信  
而欲國治簡勿如天地不忒如四時使民可避而不可犯  
此命有司纂修刑法然不能明體朕意多作條目以困民  
于罪朕甚不取自今復用舊法條悉除之然自大康元年  
比院樞密使印律乙辛等用事官婢輩登等認告宣認皇  
后乙辛以聞即詔乙辛劾狀因實其事上怒殊伶人趙惟  
一斬高長命皆籍其家仍賜皇后自盡三年乙辛又與其  
黨謀構昭懷太子陰入右護衛大保印律查刺告知樞密  
院事蕭速撒等八人謀立皇太 詔案無狀出速撒遠不

也外補流護衛撒撥等六人詔告首謀逆者重加官賞其  
則悉行誅戮乙辛教牌印郎君蕭訛都幹自首臣掌預選  
撒等謀因籍姓名以告帝信之以乙辛等鞫案至杖皇太  
子囚之宮中別室殺撻不也撒刺等三十五人又殺速撒  
等諸子其幼稚及婦女奴婢家產皆籍沒之或分賜羣臣  
燕哥等詐為太子爰書以聞上大怒廢太子徙上京乙辛  
尋遣人弒于囚所帝猶不寤朝廷上下無復紀律天祚乾  
統元年凡大康三年預乙辛所害者悉復官爵籍沒者出  
之流放者還鄉里至二年始發乙辛等墓剖棺戮尸誅其  
子孫餘黨子孫咸死徙邊其家屬奴婢皆分賜被害之家

如耶律挺不也蕭達魯古等黨人之尤兇狡者皆以賂免  
至于覆軍失城之罪皆棄口其職官諸局人有過者鐫降決  
斷之外悉從軍賞罰無章怨讟日起剽盜相挺叛亡接踵  
天祚大恣益務繩以嚴酷由是投崔砲擲釘割鬻殺之刑  
復興焉或有分尸五京甚者至取其心以獻祖廟雖由天  
祚祿患無策流為殘忍亦由祖宗有以啓之也遼之先代  
用法尚嚴使其子孫皆有君人之量无所自擇猶非祖宗  
貽謀之道不幸一有昏暴者少引以籍口何所不至然遼  
之季世與其先代用刑同而興亡異者何歟蓋創業之君

施之于法未定之前民猶未敢測也亡國之主施之于法  
既定之後民復何所賴焉此其所為異也傳曰新國輕典  
豈獨構事宜而已乎天祚末年遊畋無度頗有倦勤意諸  
子惟文妃所生敖盧幹最賢蕭奉先乃元妃兄深忌之會  
文妃之女兄適耶律提曷里女弟適耶律余覲奉先乃誣  
言余覲等謀立晉王燕天祚為太上皇遂戮提曷里及其  
妻賜文妃自盡敖盧幹以不與謀得免及天祚西狩奉聖  
州又以耶律撒八等欲劫立敖盧幹遂誅撒八盡其黨竄  
敖盧幹以有人望即日賜死當時從行百官諸局承應人  
及軍士聞者皆流涕蓋自興宗時遽起太獄仁德皇后崩

于幽所遼政始衰道宗殺宣懿皇后遷昭懷太子太子尋  
被害天祚知其父之寃而已亦幾殆至是又自殺其子敖  
盧懿傳曰於所尊者薄無所不薄矣遼二百餘年骨肉  
相殘滅天祚荒暴尤甚遂至于亡噫

志第三十一

